

1 CORINTIOS

¹ Pablojon quic'ot la quermano Sóstenes, p̄lybilon ti apóstol i cha'an Jesucristo che' bajche' yom Dios. ² Wolic ts'ijbubeñetla ili jun, x̄ñopt'añet b̄ la i cha'an Dios ya' ti Corinto. Tsa'ix ajq'uiyetla ti' wenta Dios. P̄lybiletla cha'an mi la' wochel ti Cristo Jesús la' wic'ot pejtēl mu' b̄ i pejcañob lac Yum Jesucristo ti' c'aba', baqui jach añob. Jini lac Yum i yum̄ach ja'el. ³ La' aq'uentiquetla i yutslēl i pusic'al Dios yic'ot i ñ̄ach't̄alēl la' pusic'al ch'oyol b̄ ti Dios lac Tat yic'ot ti lac Yum Jesucristo.

Wocolix i ȳal̄ Dios

⁴ Ti pejtelel ora mic suben c Dios wocolix i ȳal̄ cha'añetla, come aq'uebiletla i yutslēl i pusic'al Dios ti Cristo Jesús. ⁵ Ti Cristo tsa' p'ojli la' wenlel ti pejtelel chuqui tac uts'at. Jini cha'an wen la' wujil t'an, wen an la' ñ̄a't̄bal. ⁶ Come woli' tsictiyel i ye'tel Cristo ti la' tojlel che' bajche' tsac subeyetla. ⁷ Che' jini ma'anic chuqui anto yom la' cha'an, come wen chajrp̄lybiletla woli la' pijtan lac Yum Jesucristo mu' b̄ caj i tsictiyel. ⁸ Mi caj i ch̄an xuc'chocoñetla c'̄al̄ ti' jilibal cha'an ma'anic la' mul che' ti' q'uiñilel lac Yum Jesucristo. ⁹ Xuc'ul Dios tsa' b̄ i p̄lyayetla cha'an mi la' tem ajñel yic'ot i Yalobil, jiñ̄ach Jesucristo lac Yum.

¿T'oxol ba Cristo?

¹⁰ Hermanojob, mic subeñetla ti wocol t'an ti' c'aba' lac Yum Jesucristo, yom junlajal mi la' cha'len t'an. Mach mi la' t'ox la' b̄ ti leto. Tem ajñenla ti uts'at ti jump'ejl la' pusic'al ti jump'ejl la' ñ̄a't̄bal. ¹¹ Come jini año' b̄ ti' yotot Cloé tsi' subeyoñob woli la' w̄al'len la' b̄, quermanojob. ¹² Mi c̄al isujm, come ti chajp ti chajp mi la' cha'len

t'an ti jujuntiquiletla. Juntiquil mi' yal: Joñon i cha'añon Pablo. Yambλ mi' yal: Joñon i cha'añon Apolos. Yambλ mi' yal: Joñon i cha'añon Cefas. Yambλ mi' yal: Joñon i cha'añon Cristo. Che'λch mi la' cha'len t'an. ¹³ ¿T'oxol ba Cristo? ¿Tsa' ba ch'ijle ti cruz Pablo cha'añetla? ¿Tsa' ba la' ch'λmλ ja' ti' c'aba' Pablo? ¹⁴ Mic suben Dios wocolix i yλλ come ma'anic tsa cλq'ueyetla ch'λmja'. Cojach tsa cλq'ueyob ch'λmja' Crispo yic'ot Gayo, ¹⁵ ame anic majch mi' lon al tsa' aq'uentiyetla ch'λmja' tij c'aba'. ¹⁶ Tsa cλq'ue ch'λmja' Estéfanas ja'el yic'ot jini año' bλ ti' yotot. Mach cujilic mi tsa cλq'ue ch'λmja' yambλ. ¹⁷ Come Cristo ma'anic tsi' chocoyon majlel cha'an mi cλc' ch'λmja'. Tsi' chocoyon majlel cha'an mic sub jini wen t'an. Mach ti' ña'tλbalic jini pañimil mic sub ame sajtic i sujmler i cruz Cristo.

Cristo, i p'λtλel yic'ot i ña'tλbal Dios

¹⁸ Jini sajtemo' bλ mi' yλlob tonto jax i sujmler jini cruz. Pero joñonla coltλbilon bλ la, la cujil jiñλch i p'λtλel Dios. ¹⁹ Come ts'ijbubil: “Mi caj c jisλbeñob i ña'tλbal jini cabλ bλ i ña'tλbal. Mi caj c socbeñob i pusic'al jini año' bλ cabλ i pusic'al”, che'en Dios. ²⁰ ¿Bacan jini cabλ bλ i ña'tλbal? ¿Bacan jini sts'ijbaya? ¿Bacan jini mu' bλ i ña'tan i sujmler jini pañimil am bλ wale? Dios tsa'ix i pλsλ sojquem jax i ña'tλbal jini pañimil. ²¹ Che' bajche' tsi' wλn ña'ta Dios, jini año' bλ ti pañimil ma'anic mi' cλñob Dios cha'an ti' bajñel ña'tλbal, come Dios mi' c'λn jini t'an mu' bλ i yλjlel ti tonto cha'an mi' coltan jini mu' bλ i ñopob, come che' yom i pusic'al. ²² Jini judíojob mi' wersa c'ajtibeñob i yejtal tac i p'λtλel. Jini griegojob mi' sajcañob i ña'tλbal pañimil. ²³ Pero joñonla mi lac sub Cristo tsa' bλ ch'ijle ti cruz. Jini t'an mi' yλc' ti yajlel judíojob. Tonto jax jini t'an mi' yλlob gentilob. ²⁴ Pero jini pλybilo' bλ, mi judíojob, mi griegojob, mi ña'tañob

jini Cristo i p'atlalalch Dios, i ña'tlbalch Dios ja'el. ²⁵ I ña'tlbal Dios mu' bɔ i yɔjlel ti tonto mach sojquemich che' bajche' i ña'tlbal winicob. I melbal Dios mach bɔ anic i p'atlal mi' lon q'uelob winicob, ñumen p'atlalch bajche' i p'atlal winicob.

²⁶ Come ña'tanla, hermanojob, bajche' tsa' pɔjyiyetla. Ma'anich cabɔ ñuco' bɔ am bɔ cabɔ i ña'tlbal ti la' tojlel. Ma'anich cabɔ p'atlalo' bɔ, mi cabɔ yumɔlob. ²⁷ Jini mu' bɔ i q'uejlel ti tonto wɔ' ti pañimil Dios tsi' yajca cha'an mi' yɔc' ti quisin jini cabɔ bɔ i ña'tlbal. Tsi' yajca jini mach bɔ p'atlalich ti pañimil cha'an mi' yɔc' ti quisin jini p'atlalo' bɔ. ²⁸ Dios tsi' yajca jini mach bɔ ñuquic ti pañimil yic'ot jini ts'a'lebil bɔ yic'ot jini mach bɔ anic i c'ɔjñibal cha'an mi' jisan jini am bɔ i c'ɔjñibal ti' tojlel winicob. ²⁹ Che' jini ma'anich majqui mi mejlel i chañ'esan i bɔ ti' tojlel Dios. ³⁰ Come Dios tsi' yɔq'ueyetla la' wajñel ti Cristo Jesús. Dios tsi' yɔq'ueyonla Cristo. Jiñach lac ña'tlbal tilem bɔ ti Dios. Jiñach tsa' bɔ i yɔc'ɔyonla ti' wenta Dios, tsa' bɔ i q'ueleyonla ti toj. Jiñach tsa' bɔ i yɔc'onla ti libre. ³¹ Jini cha'an, che' bajche' ts'ijbubil: “Jini yom bɔ i sub chuqui ñuc, la' i tsictesan i ñuclel lac Yum”.

2

Cristo tsa' bɔ ch'ijle ti cruz

¹ Hermanojob, che' bɔ tsa' c'otiyon ba' añetla ma'anich tsac pejcayetla ti to'ol ch'ejl jach bɔ t'an yic'ot c bajñel ña'tlbal che' bɔ tsac subeyetla i t'an Dios. ² Come tsa cɔɔ tic pusic'al ma'anich chuqui mi caj c ña'tan ti la' tojlel, cojach Jesucristo tsa' bɔ ch'ijle ti cruz. ³ Che' bɔ ya' añon quic'otetla wen c'uñon, cabɔ c bɔq'uen, tsiltsilñayon. ⁴ Che' bɔ tsac pejcayetla, che' bɔ tsac cha'le sub t'an cha'an mic xiq'uetla, tsiquil mach tilemic c t'an tic bajñel pusic'al pero tilem ti' p'atlal Espíritu, ⁵ cha'an wen xuc'ul mi la'

ñop. Come jiñlach i ye'tel Dios yic'ot i p'atlalel, mach i ye'telic winicob cabal bλ i ña'tabal.

*I tsictes*abal i yEspíritu Dios

⁶ Mic sub lojon i ña'tabal Dios ti' tojlel jini xuc'ul bλ xñopt'añob. Ma'anic mic sub lojon i ña'tabal pañimil, mi i ña'tabal yumlob mu' bλ i jilelob. ⁷ Mic sub lojon i ña'tabal Dios mach bλ tsictiyemic ti yambλ ora, jini mucul bλ i ña'tabal tsa' bλ i wλn wa'choco Dios che' bλ maxto anic pañimil, cha'an mi' yλq'ueñonla lac ñuclel. ⁸ Jini yumlob ti pañimil ma'anic tsi' cλñayob i ña'tabal Dios mi juntiquilic. Tsa'ic i cλñayob, ma'anic tsi' ch'ijiyob ti cruz lac Yum am bλ i yumantel ti chan. ⁹ Come ts'ijbubil: “Jini mach bλ q'uelbilic ti' wut winicob, jini mach bλ ubibilic ti' chiquin winicob, jini mach bλ anic tsi' ña'tayob winicob ti' pusic'al, jiñlach tsa' bλ i chajpa Dios cha'an mi' yλq'ueñob jini mu' bλ i c'uxbiñob Dios”, che'en.

¹⁰ Dios tsi' laj tsictesλbeyonla ti' p'atlalel jini Espíritu, come jini Espíritu mi' ch'λmben isujm pejtelel chuqui tac an yic'ot i sujmllel Dios wocol bλ ti cλñol. ¹¹ ¿Am ba juntiquil winic mu' bλ mejlel i cλmben i pusic'al yambλ winic? Ma'anic. Cojach i ch'ujlel jini winic mi' ña'tan chuqui an ti' bajñel pusic'al. Che' ja'el ma'anic majch mi' cλmben i ña'tabal Dios, cojach i yEspíritu Dios. ¹² Ma'anic tsa' aq'uentiyonla i ña'tabal pañimil. Tsa' aq'uentiyonla jini Espíritu ch'oyol bλ ti Dios cha'an mi' laj cλn chuqui woli' yλq'ueñonla Dios. ¹³ Jiñlach mu' bλ c sub lojon. Jini t'an mu' bλ c sub lojon mach tilemic ti winicob cabal bλ i pusic'al ti pañimil, pero jini Espíritu tsi' cλntesayon lojon. Mi' yλq'ueñon lojon jini t'an cha'an mic tsictesλbeñob jini mu' bλ i jac'beñob jini Espíritu.

¹⁴ Jini mach bλ anic Espíritu yic'ot, ma'anic mi' ch'λmben isujm jini ch'oyol bλ ti' yEspíritu Dios, come mi'

yal tonto jax. Mach mejlic i ch'amben isujm, come cojach jini Espíritu mi' yalq'ueñonla lac ch'amben isujm. ¹⁵ Jini am bλ i cha'an jini Espíritu mux i mejlel i laj ch'amben isujm. Ma'anic majch mi' cλmben i pusic'al jini winic. ¹⁶ Come ¿majqui tsi' cλmbe i pusic'al lac Yum? ¿Majqui tsi' cλntesa? Pero an lac cha'an i ña'tλbal Cristo.

3

X'e'telonla yic'ot Dios

¹ Che' jini hermanojob, ma'anic tsa' mejli c pejcañetla che' bajche' mic pejcan jini mu' bλ i jac'ob i yEspíritu Dios, come mi la' jac'ben jini tsucul bλ la' pusic'al, come allet to la ti Cristo. ² Tsa cλq'ueyetla la' jap leche. Ma'anic tsa cλq'ueyetla we'elλ, come maxto mejlic la' c'ux. C'λλλ wλle mach mejliquetla. ³ Come woli to la' jac'ben i tsuculel la' pusic'al. Woli la' tsλjyuben la' bλ la' wenlel. Woliyetla ti leto. Woli la' t'ox la' bλ ti t'an. Che' jini ¿mach ba wolic la' jac'ben i tsuculel la' pusic'al? ¿Mach ba lajalic woli la' cha'len che' bajche' i cha'año' bλ pañimil? ⁴ Come juntiquil mi' yal: Ti isujm i cha'añoñ Pablo, che'en. Yambλ mi' yal: I cha'añoñ Apolos, che'en. ¿Mach ba wolic la' jac'ben i tsuculel la' pusic'al?

⁵ ¿Majqui jini Pablo che' jini? ¿Majqui jini Apolos? X'e'telon lojon tsa' bλ cλq'ueyet la' ñop Dios cha'an ti' p'λtλlel lac Yum tsa' bλ i yalq'ueyon lojon ti jujuntiquilon lojon. ⁶ Joñoñ tsac cha'le pac'. Apolos tsi' mulu. Dios tsi' yal'λ ti colel. ⁷ Che' jini mach ñuquic jini mu' bλ i cha'len pac' yic'ot jini mu' bλ i mul. Cojach ñuc Dios mu' bλ i yal'λ ti colel. ⁸ Jini mu' bλ i cha'len pac' yic'ot jini mu' bλ i mul junlajalob. Ti jujuntiquil mi caj i yalq'uentelob i chobejtλbal che' bajche' an i ye'tel. ⁹ Come joñoñ lojon x'e'telon lojon yic'ot Dios. Jatetla i choletla Dios, i yototetla Dios.

1 CORINTIOS 3:10 6 1 CORINTIOS 3:23

¹⁰ Joñon che' bajche' tsa' aq'uentiyon i yutslal i pusic'al Dios, tsac ts'ajquibe i c'ʌclib otot che' bajche' juntiquil wen yujil bʌ i wa'chocontel otot. Yambʌ mi' wa'chocon i ye'tel ti' pam i c'ʌclib. Ti jujuntiquil la' i q'uel bajche' mi' wa'chocon i ye'tel ti' pam. ¹¹ Come ma'anic majqui mi mejlel i yʌq'uen yambʌ i c'ʌclib otot. Jini laj c'ʌclib jiñʌch Jesucristo. ¹² Mi an majch mi' c'ʌn oro, mi tsucul taq'uin, mi c'ax wen bʌ xajlel, mi te', mi jam, mi tiquin pimel cha'an mi' wa'chocon otot ti' pam jini c'ʌclib, ¹³ mi caj i tsictiyel bajche' yilal i ye'tel jujuntiquil winic ti jini q'uin che' mi' yʌjq'uel ti tsictiyel. Mi caj i tsictiyel ti c'ajc mi weñʌch i ye'tel jujuntiquil winic. ¹⁴ Mi ma'anic tsa' jili ti c'ajc i ye'tel tsa' bʌ i wa'choco ti' pam, mi caj i yʌq'uentel i chobejtʌbal. ¹⁵ Mi tsa' puli i ye'tel ma'anix i chobejtʌbal, come sajtem i ye'tel, pero mi caj i coltʌntel jini winic che' bajche' juntiquil tsa' bʌ i yʌʌ pulal ti c'ajc.

¹⁶ ¿Mach ba la' wujilic? Jatetla i templojetla Dios. I yeEspíritu Dios mi' chumtʌl la' wic'ot. ¹⁷ Mi an majch mi' jisʌben i templo Dios, Dios mi caj i jisan jini winic, come ch'ujul i Templo Dios. Jatetla i templojetla.

¹⁸ Mach a jac' a lotintel. Mi an majch mi lon al ti' pusic'al an cabʌl i ña'tʌbal ti jini pañimil, la' i q'uel i bʌ ti tonto cha'an mi mejlel i taj wen bʌ i ña'tʌbal. ¹⁹ Come Dios mi' q'uel ti tonto i ña'tʌbal jini pañimil che' bajche' ts'ijbubil: “Dios mi' tsictesan lolom jach jini año' bʌ cabʌl i ña'tʌbal che' maya jax woli' melob”, che'en. ²⁰ Ts'ijbubil ja'el: “Lac Yum yujil lolom jach chuqui mi' yʌlob ti' bajñel pusic'al jini año' bʌ cabʌl i ña'tʌbal”, che'en. ²¹ Jini cha'an mach yomix mi la' t'ox la' bʌ cha'an mi la' tsajcan winicob. Come la' cha'añʌch pejtelel chuqui tac an, ²² yic'ot pejtal winicob, mi Pablo, mi Apolos, mi Pedro, mi jini pañimil yic'ot chuqui woli' yujtel wʌle yic'ot chuqui mi' caj ti ujtal che' cuxuletla yic'ot che' mi la' chʌmel. ²³ Jatetla i

cha'añetla Cristo. Cristo i cha'añlch Dios.

4

Apóstolob i cha'an Cristo

¹ La' i ña'tañob winicob x'e'telon lojon i cha'an Cristo. Xcāntayajon lojon cha'an i sujmllel Dios mach bλ tsic-tiyemic ti yambλ ora. ² Jini xcāntaya wersa yom xuc'ul mi' pλs i bλ ti' ye'tel i yum. ³ Ma'anic mic mel c pusic'al cha'an chuqui mi' yλlob winicob, mi jatetla mi yaño' bλ, mi woli la' wλl uts'aton o mach uts'atonic. ⁴ Anquese ma'anic woli ti t'an c pusic'al, ma'anic mic sub c bλ ti uts'at. Jini mu' bλ i q'uelon, mu' bλ caj i melon, jiñlch lac Yum. ⁵ Jini cha'an mach mi la' sub mi uts'at o mi mach uts'atobic winicob x'ixicob che' maxto i yorajlelic, che' maxto tilemic lac Yum. Come lac Yum mi caj i tsictesan jini mucul tac bλ mach bλ tsictiyemic. Mi caj i yλc' ti tsictiyel chuqui woli lac ña'tan ti lac pusic'al. Che' jini Dios mi caj i tsictesλbeñob i ñuclel winicob ti jujuntiquil.

⁶ C'ux mi cubiñetla hermanojob. Jini cha'an tsa'ix c tajbe i c'aba' Apolos yic'ot j c'aba' cha'an mij cāntesañetla bajche' yom mi la' cha'len. Com mi la' q'uel ti joñon lojon bajche' yom mi la' wajñel che' bajche' ts'ijbubil. Mach mi la' sub ti ñuc juntiquil cha'an mi la' ts'a'len yambλ. ⁷ Come ¿majqui tsi' yλq'ueyetla la' c'λjñibal ti chajp ti chajp? ¿Mach ba aq'uebileticla ti la' majtan jach? Mi tsa' aq'uentiyetla, ¿chucoch ñuc mi la' q'uel la' bλ che' bajche' mach aq'uebiletic la ti la' majtan?

⁸ Mi la' lon al jasλlix la' cāntesāntel ti Dios, cabλlix la' ña'tabal. Che' mach ya'ic añon lojon la' wic'ot mi la' lon mel la' bλ che' bajche' reyetla. Uts'at, aja reyeticla cha'an temel mi lac cha'len rey. ⁹ Apóstolon lojon. Mi cλl Dios tsi' yλc'λyon lojon ti q'uejlel ti wi'il pat che' bajche' chucbil bλ winicob mu' bλ caj i tsānsāntelob,

come tsi' yac'lyon lojon ti pañimil ba' mi' q'ueloñob jini ángelob yic'ot winicob x'ixicob. ¹⁰ Tonto mij q'uejlel lojon cha'an c'ux mi cubin lojon Cristo, pero cabal la' ña'tlbal ti Cristo. C'uñon lojon, pero p'atlletla. An la' ñucel, pero ts'a'lebilon lojon. ¹¹ C'álal wale mi cubin lojon wi'ñal yic'ot tiquin ti'. Pits'ilon lojon, lojwemon lojon ti asiyal. Ma'anic cotot lojon ba' mic chumtl. ¹² Mic cha'len lojon wersa e'tel tij c'ab. Che' mi' p'ajoñob mic pejcañob ti wen bl t'an. Che' mi' tic'lañoñob, mij cuchben lojon. ¹³ Che' mi' yu'yajiñoñob, mic pejcañob ti uts bl t'an. Mij q'uejlel lojon c'álal wale che' bajche' misujelal, che' bajche' i bibi'lel pejtet chuqui mi' chojquel.

¹⁴ Mach cha'anic mij quisnitesañetla wolic ts'ijban jini t'an, pero cha'an mic xic'beñetla ti uts'at come c'uxbibil bl calobiletla. ¹⁵ Anic la' cha'an lujump'ejl mil xcan-tesajob ti Cristo, juntiquil jach la' tat. Come ti Cristo Jesús joñon tsac techeyetla ti jini wen t'an. ¹⁶ Jini cha'an la' wolic mic subeñetla, melela che' bajche' mic mel. ¹⁷ Jini cha'an tsac choco majlel Timoteo ba' añetla. Jiñlch c'uxbibil bl calobil. Xuc'ul i pusic'al ti lac Yum. Mi caj i yac'ueñetla la' cha' ña'tan chuqui mic cha'len ti Cristo. Che' bajche' mij cantesan xñopt'añob ti pejtelel pañimil baqui jach mi' tempañob i bl, che'lch mic mel ja'el. ¹⁸ Lamitaletla ñuc mi la' q'uel la' bl cha'an woli la' lon al ma'anix mic chlan tilel ba' añetla. ¹⁹ Pero mach jalix mi caj j c'otel ba' añetla mi yom lac Yum. Mi caj j q'uel mi an i p'atllel jini mu' bl i lon q'uelob i bl ti ñuc o mi to'ol t'an jach woliyob. ²⁰ Come mach to'ol t'anic jach i yumantel Dios pero an cabal i p'atllel. ²¹ ¿Chuqui la' wom? ¿La' wom ba mic ch'lam tilel asiyal ba' añetla o la' wom ba mic tilel ti c'uxbiya yic'ot i yutslel c pusic'al?

5

Juntiquil tsa' bΛ i taja i ts'i'lel

¹ Isujm woli' yΛlob an juntiquil ti la' tojlel woli bΛ i taj i ts'i'lel, ñumen leco bajche' mi' melob jini sajtemo' bΛ, come jini winic wolix i yajñel yic'ot i majaña'. ² Jatetla chan mi la' lon mel la' bΛ. ¿Mach ba yomic mi la' wuc'tΛben i mul? ¿Mach ba yomic mi la' choc loq'uel ti la' tojlel jini tsa' bΛ i mele bajche' jini?

³ Isujm mach ya'ic añon la' wic'ot tic bΛc'tal, pero ya' añon ti espíritu. Tsa'ix c ña'ta bajche' yom mi' mejlel jini an bΛ i mul. ⁴ Che' temel añetla ya'Λch añon quic'otetla yubil, come ya'an i p'ΛtΛlel lac Yum Jesucristo. Ti' c'aba' lac Yum Jesucristo mic subeñetla, ⁵ la' poj chojqic loq'uel ti la' tojlel jini winic cha'an mi' yajñel ti' wenta Satanás, cha'an mi' yubin wocol, cha'an mi' jisΛntel i tsucul pusic'al, cha'an mi' coltΛntel i ch'ujlel ti' q'uiñilel lac Yum.

⁶ Mach wenic mi la' q'uel la' bΛ ti ñuc. ¿Mach ba la' wujilic mi' p'ojlel majlel mulil che' bajche' ts'ita' jach levadura mi' laj xaxan ti' junc'ojlel caxlan waj? ⁷ Chocola loq'uel jini tsucul bΛ la' melbal come tsijib melbiletix la. Come jini lac Tiñlame' cha'an Pascua jiñΛch Cristo tsa' bΛ ajq'ui ti chΛmel cha'añonla. ⁸ Jini cha'an la' lac mel q'uin ti uts'at. Mach yomic tsucul bΛ levadura, jiñΛch jontolil yic'ot mulil. Yom jini isujm bΛ waj mach bΛ anic i levadurajlel, jiñΛch i sΛclel lac pusic'al.

⁹ Tsac ts'ijbubeyetla tic jun cha'an mach yomic mi la' wajñel yic'ot jini mu' bΛ i tajob i ts'i'lel. ¹⁰ Isujm, mach mejlic la' junyajlel loq'uel ti' tojlel i cha'año' bΛ pañimil mu' bΛ i tajob i ts'i'lel, mu' bΛ i chΛcleñoob i chubΛ'an, mu' bΛ i cha'leñoob xujch', mu' bΛ i c'uxbiñoob dioste' tac. Muq'uic la' junyajlel loq'uel ti' tojlelob, actan che' jini, ma'añetixla ti pañimil. ¹¹ Mic ts'ijbubeñetla wΛle, mach

mi la' ñochtan mi juntiquilic, anquese mi' sub i bλ ti hermano, mi woli' taj i ts'i'lel, mi an i chλclel, mi woli' c'uxbin dioste' tac, mi woli' cha'len p'ajoñel, mi woli ti yλc'λjel, mi woli ti xujch'. Mach mi la' cha'len we'el yic'ot. ¹² ¿Am ba que'tel cha'an mic mel jini mach bλ ochemobic? ¿Mach ba la' wentajic mi la' mel jini ochemo' bλ? ¹³ Come Dios mi caj i mel jini mach bλ ochemobic. Chocla loq'uel ti la' tojlel jini xjontolil.

6

Che' mi' melob i bλ jini xñopt'añob

¹ Jixcu jatetla che' mi la' contrajin la' bλ ti meloñel, ¿yom ba mi la' majlel la' mel la' bλ ba'an jini am bλ i ye'tel mach bλ i cañayic Dios? ¿Mach ba yomic mi la' mel la' bλ ti' tojlel i cha'año' bλ Dios? ² ¿Mach ba la' wujilic? I cha'año' bλ Dios mi caj i melob i cha'año' bλ pañimil. Mi wersa mi caj la' mel i cha'año' bλ pañimil, ¿mach ba mejlic la' mel jini mu' bλ i cha'leñob leto ti la' tojlel? ³ ¿Mach ba la' wujilic mi caj lac mel ángelob? Jini cha'an ñumen mi mejlel lac mel winicob ila ti pañimil. ⁴ Mi an ti la' wenta cha'an mi la' melob cha'an chuqui tac woli ti ujtet ti ili ora, ¿chucoch mi la' chocob majlel ba'an winicob mach bλ hermanojobic cha'an mi' melob? ⁵ Yom mi la' cha'len quisin. ¿Mach ba anic mi juntiquilic hermano yujil bλ meloñel ti la' tojlel? ⁶ Jini hermanojob mi' contrajiñob i bλ. Mi' majlelob ti meloñel ti' tojlel jini mach bλ anic mi' ñopob Dios.

⁷ Anix la' sajtemal che' jini, come woli la' contrajin la' bλ ti' tojlel jini sajtemo' bλ. ¿Chucoch ma'anic mi la' cuchben i mul la' wermano che' mi' techbeñetla wocol? ¿Chucoch ma'anic mi la' ñusλben che' mi' chilbeñet la' chubλ'an? ⁸ Jatetla mi la' mel chuqui mach tojic. Mi la' cha'len chiloñel, mi la' contrajin la' wermanojob.

⁹ ¿Mach ba la' wujilic? Ma'anic mi caj i yochelob ti' yumantel Dios jini mach ba tojobic. Mach mi la' ñop lot. Ma'anic mi caj i yochelob ti' yumantel Dios jini mu' ba i tajob i ts'i'lel, mi jinic mu' ba i c'uxbiñob dioste' tac, mi jinic mu' ba i tajob i yixic, mi jinic mach ba anic mi' tic'ob i colosojlel i pusic'al, mi jinic winicob mu' ba i wɔɔɔ pi'leñob i ba. ¹⁰Jini xchiloñelob, jini xchaclelob, jini xɔɔ'ajelob, jini xp'ajoñelob, jini xujch'ob ma'anic mi caj i yochelob ti' yumantel Dios. ¹¹Lamitaletla che'ach tsa' la' mele, pero wale pocbiletixla ti' c'aba' lac Yum Jesucristo cha'an ti' yEspíritu lac Dios. Tsa'ix ajq'uiyetla ti' wenta Dios. Wolix la' q'uejlel ti toj.

Tsictesanla i ñuclel Dios ti la' bac'tal

¹²Mi mejlel c mel pejtetl chuqui com, mach tic'bilonic, pero mach uts'atic mi tsac mele ti pejtelel. Chuqui jach com c mel, mi mejlel c mel, pero ma'anic mi caj c mel ame ñam'ac c pusic'al. ¹³Uts'at we'elɔɔ cha'an lac ñac'. Jini lac ñac' i yajñibach we'elɔɔ. Pero Dios mi caj i jisan lac ñac' yic'ot we'elɔɔ. Jini lac bac'tal mach cha'anic ts'i'lel, i cha'añach lac Yum. Lac Yum mi caj i coltan lac bac'tal. ¹⁴Dios tsa' ba i teche ch'ojoyel lac Yum mi caj i techonla ch'ojoyel ja'el ti' p'ɔɔɔɔ. ¹⁵¿Mach ba la' wujilic i cha'añach Cristo la' bac'tal? ¿Yom ba mij c'ɔɔ c bac'tal che' i cha'anix Cristo, cha'an mi cɔɔ'uen ts'i'lel ba x'ixic? Mach yomic. ¹⁶¿Mach ba la' wujilic? Jini mu' ba i pi'len juntiquil moja, jump'ejl jach mi' majlel i bac'tal yic'ot. Come Dios mi' yɔɔ: “Jini cha'tiquil mi' yochelob ti juntiquil jach”, che'en. ¹⁷Jini mu' ba i yajñel yic'ot lac Yum mi' yochel ti jump'ejl i pusic'al yic'ot lac Yum. ¹⁸Puts'tanla ts'i'lel. Jini mu' ba i cha'len ts'i'lel ñumen mi' tic'lan i bac'tal bajche' jini mu' ba i cha'len yan tac ba mulil. ¹⁹¿Mach ba la' wujilic? La' bac'tal i templojach

jini Ch'ujul bλ Espíritu tsa' bλ i yλq'ueyetla Dios mu' bλ i yajñel ti la' pusic'al. Mach la' bajñel wentajic la' bλ. ²⁰ Come tsa' majñiyetla, tojbiletla. Tsictesanla i ñuclel Dios ti la' bλc'tal yic'ot ti la' ch'ujlel, come i cha'añlch Dios.

7

Bajche' yom mi' yajñelob winicob x'ixicob

¹ Wolic ña'tan chuqui tsa' la' ts'ijbubeyon. Uts'at mi ma'anic mi' pλy x'ixic winic. ² Pero an cabλ mu' bλ i tajob i yixic. Jini cha'an la' i pλy i yijñam jujuntiquil winic. La' i taj i ñoxi'al jujuntiquil x'ixic. ³ Jini winic la' i pi'len i yijñam ti uts'at, che' ja'el i yijñam la' i pi'len i ñoxi'al ti uts'at. ⁴ Jini x'ixic mach i bajñel cha'anic i bλc'tal, come mi' yuman i ñoxi'al. Che' ja'el i ñoxi'al mach i bajñel cha'anic i bλc'tal, come mi' yuman i yijñam. ⁵ Mach la' cλy la' pi'len la' bλ, cojach mi la' wom ti la' cha'ticlel cha'an mi la' wλc' la' bλ ti oración. Che' mi' yujtel oración yom mi la' cha' pi'len la' bλ ame i pλyetla ti mulil Satanás che' ma'anic i p'λtλlel la' pusic'al. ⁶ Che'λch mic sub cha'an mij coltañetla. Mach ti madaric wolic sub. ⁷ Come mi cλl uts'at mi lajalob pejtet winicob che' bajche' joñon. Pero ti jujuntiquil an i c'λjñibal aq'uebil bλ i cha'an Dios. Juntiquil an junchajp i c'λjñibal, yambλ an yambλ i c'λjñibal.

⁸ Mic suben jini i bajñel jax to bλ añob yic'ot ja'el jini xmeba ixicob cha'an uts'at mi' chλn ajñelob che' bajche' joñon. ⁹ Mi mach mejlicob i bajñel ajñelob ti uts'at, la' i cha'leñob ñujpuñel. Uts'at mi' cha'leñob ñujpuñel. Mach uts'atic mi' jac'ob i colosojlel i pusic'al.

¹⁰ Mic subeñob jini ñujpuñemo' bλ, pero mach c mandaric wolic sub. I mandarλch lac Yum: Jini x'ixic mach i lon cλy i ñoxi'al. ¹¹ Mi tsi' cλyλ i ñoxi'al x'ixic la' ajnic ti'

bajñelil. Mi mach yomic ajñel ti' bajñelil, la' i mel i bλ ti uts'at yic'ot i ñoxi'al. Che' ja'el winic, mach i choc loq'uel i yijñam.

¹² Jiñλch mu' bλ c sub joñon. Ma'anic tsi' subu lac Yum: Mi ma'anic mi' ñop lac Yum i yijñam juntiquil hermano, mach i choc loq'uel i yijñam che' yom to ajñel jini x'ixic yic'ot. ¹³ Mi ma'anic mi' ñop lac Yum i ñoxi'al juntiquil hermana, mach i cλy i ñoxi'al che' yom to ajñel jini winic yic'ot. ¹⁴ Come jini winic mach bλ anic mi' ñop lac Yum, mi' poj q'uejlel ti sλc ti Dios che' woli' yajñel yic'ot i yijñam mu' bλ i ñop lac Yum. Jini x'ixic mach bλ anic mi' ñop lac Yum, mi' poj q'uejlel ti sλc ti Dios che' woli' yajñel yic'ot i ñoxi'al mu' bλ i ñop. Mi mach che'iqui, mach sλquic mi' q'uejlel la' walobilob. Wλle ch'ujulob mi' q'uejlelob. ¹⁵ Mi yom loq'uel majlel jini mach bλ anic mi' ñop lac Yum, la' loq'uic. Che' jini juntiquil hermano mi winic mi x'ixic mach chλn anix ti' p'λtλlel i pi'al mi tsa' loq'ui i pi'al. Tsa'ix i pλyλyonla Dios cha'an ñλch'al mi la cajñel. ¹⁶ Hermana, ¿mach ba a wujilic? Tic'al mi mejlel a coltan a ñoxi'al cha'an mi' ñop. Hermano, ¿mach ba a wujilic? Tic'al mi mejlel a coltan a wijñam cha'an mi' ñop.

¹⁷ Ti jujuntiquil winic la' ajnic che' bajche' tsa' aq'uenti i c'λjñibal ti lac Yum che' bajche' Dios tsi' pλyλ ti jujuntiquil. Che'i mij cλntesan xñopt'añob baqui jach mi' tempañob i bλ. ¹⁸ Mi an majch mi' pλjyel ti Dios che' tsepbilic i pλchλlel, che'λch yom mi' yajñel. Mi an majch mi' pλjyel che' mach tsepbilic i pλchλlel, mach i yλc' ti tsepol. ¹⁹ Come ma'anic chuqui mi' cha'len mi tsepbil o mi mach tsepbilic lac pλchλlel. Pero yom Dios mi lac jac'ben i mandar. ²⁰ Ti jujuntiquil la' ajnic che' bajche' tsi' taja Dios che' bλ tsi' pλyλ. ²¹ ¿Tsa' ba pλjyiyet che' añet ti a yum? Mach a mel a pusic'al. Pero mi tsa' mejliyet ti loq'uel ñumen uts'at. ²² Come lac Yum tsa' bλ i pλyλ

jini am bλ ti' yum, tsa'ix i γλc'λ ti libre. Pero jini tsa' bλ pλjyi che' libre an, tsa'ix ochi ti' wenta cha'an mi' yuman Cristo. ²³ Tsa' mλjnietla. Tojbiletla. Ña'tanla mach chλn i cha'añetixla winicob. ²⁴ Hermanojob, bajche' jach añetla che' bλ tsi' pλyλyeta Dios, che'λch yom mi la' wajñel ti Dios ti jujuntiquiletla.

²⁵ Ma'anic tsa' aq'uentiyon mandar ti lac Yum cha'an mic subeñob xch'oc tacob. Cojach mic sub chuqui wolic ña'tan tic pusic'al, come lac Yum ti' yutslel i pusic'al tsi' γλc'λyon ti ajñel ti xuc'ul. ²⁶ An cabλl wocol ti ili ora. Jini cha'an mi cλl uts'at mi che' jach mi' yajñelob winicob che' bajche' añob. ²⁷ Mi an a wijñam, mach a ñop a cλy. Mi ma'anic a wijñam, mach a sajcan a wijñam. ²⁸ Mi tsa' pλyλ a wijñam, mach mulilic. Che' ja'el jini xch'oc mi tsi' taja i ñoxi'al, mach mulilic. Pero jini mu' bλ i pλyob i bλ, wersa mi caj i yubiñob wocol ti pañimil. Mach comic mi la' taj jini wocol. ²⁹ Mic subeñetla hermanojob, jumuc' wλ' añonla. Jini año' bλ i yijñam la' i melbeñob i ye'tel lac Yum che' bajche' jini mach bλ añobic i yijñam. ³⁰ Jini mu' bλ i cha'leñob uq'uel che'λch mi caj i yajñelob bajche' jini mach bλ anic mi' cha'leñob uq'uel. Jini tijicñayo' bλ che'λch mi caj i yajñelob bajche' jini mach bλ tijicñayobic. Jini mu' bλ i cha'leñob mλñoñel che'λch mi caj i yajñelob bajche' jini mach bλ añobic i chubλ'an. ³¹ Jini mu' bλ i c'λñob chuqui tac an ti pañimil che'λch mi caj i yajñelob bajche' jini mach bλ anic mi' c'λñob, come pejtet chuqui mi laj q'uel ti pañimil, jilel jach woli.

³² Mach comic mi la' mel la' pusic'al. Jini mach bλ anic i yijñam mi' chλn ña'tan lac Yum cha'an mi' mel chuqui mi' mulan lac Yum. ³³ Jini am bλ i yijñam mi' chλn ña'tan i ye'tel ti pañimil cha'an tijicña mi' q'uel i yijñam. ³⁴ Che' ja'el mach lajalic x'ixic am bλ i ñoxi'al yic'ot xch'oc mach bλ anic i ñoxi'al. Jini mach bλ anic i ñoxi'al mi'

chlan ña'tan lac Yum cha'an sac mi' yajñel i bac'tal yic'ot i ch'ujlel. Jini x'ixic am bl i ñoxi'al mi' ña'tan i ye'tel ti pañimil cha'an tijicña mi' yubin i ñoxi'al. ³⁵ Mic sub jini t'an cha'an mij coltañetla, mach cha'anic mi la' chujquel ti yac, pero cha'an mi la' mel chuqui wen yic'ot chuqui toj, cha'an ma'anic chuqui mi' mactañetla la' wen tsajcan lac Yum.

³⁶ Mi an winic mu' bl i ña'tan mach uts'atic woli' cha'len che' ma'anic mi' sijin i yalobil c'λλal mi' ñejp'an, mi wersa yom i sijin, la' i yac' ti ñujpuñel i yalobil che' bajche' yom i pusic'al. Mach mulilic. ³⁷ Pero jini xuc'ul bl i pusic'al mach bl yomic i sijin i yalobil, come tsi' ña'ta i cantan i yalobil che' mach wersajic mi' sijin, uts'at mi' mel che' ma'anic mi' yac' ti ñujpuñel. ³⁸ Jini mu' bl i sijin i yalobil uts'at mi' mel. Jini mach bl anic mi' sijin ñumen uts'at mi' mel.

³⁹ Jini x'ixic an ti' wenta i ñoxi'al che' cuxul to i ñoxi'al. Mi tsa' chlami i ñoxi'al mi mejlel i cha' cha'len ñujpuñel mi yom, pero yom yic'ot winic ochem bl ti lac Yum. ⁴⁰ Mi cλλ, ñumen tijicña jini x'ixic mi che jach ti' bajñelil mi' yajñel. Cujil ja'el, añach quic'ot i yEspíritu Dios.

8

*We'el*λλ aq'uebil bl dios te' tac

¹ Wλλe, cha'an we'elλλ aq'uebil bl dioste' tac ti' majtan, la kujil an lac ña'tλbal ti lac pejtelel. Lac ña'tλbal mi' yλq'ueñonla lac lon q'uel lac bl ti ñuc, pero laj c'uxbiya mi' ñijcañonla ti coltaya. ² Mi an majch mi' lon ña'tan cabλλach i pusic'al, maxto yujilic chuqui yom mi' ña'tan. ³ Mi an majch mi' c'uxbin Dios, cλmbil jini winic ti Dios.

⁴ ¿Yom ba mi laj c'ux we'elλλ aq'uebil bl dioste' tac ti' majtan? La kujil ma'anic i c'λjñibal dioste' tac ti pañimil, come ma'anic yambλ Dios, juntiquil jach. ⁵ Mi' lon alob

an cabł dios ti panchan yic'ot ti pañimil, come an cabł i diosob che' ja'el cabł yumłob, ⁶ pero ti lac tojlel an juntiquil jach Dios, jiñłch lac Tat. Ya' ch'oyol pejtelel chuqui tac an. Tsi' meleyonla cha'an mi lac ñuq'uesan. An juntiquil jach lac Yum, jiñłch Jesucristo. Ti' p'atłlel tsa' mejli pejtetel chuqui tac an. Joñonla ja'el añonla cha'an Cristo.

⁷ Mach laj yujilobic i sujmllel jini t'an. Lamital mi' chłn ña'tañob dioste' tac c'łłł włle che' mi' c'uxob we'elł aq'uebil bł dioste' tac. Come tile bixelob i pusic'al, mi' sojqelob che' mi' c'uxob. ⁸ Mach cha'anic we'elł mi' q'uelonla ti uts'at Dios. Mi woli lac tic' lac bł ti' c'uxol, o mi woli laj c'ux, ma'anic mi' yłq'ueñonla lac wenlel ti' tojlel Dios. ⁹ Chłcł q'uele la' bł ame la' włc' ti yajlel jini mach bł xuc'ulic i pusic'al che' an chuqui mi la' mel che' libre añetla. ¹⁰ Come mi tsi' q'ueleyet jini mach bł xuc'ulic i pusic'al che' buchulet ti mesa ya' ti' templo dioste' tac, come a wujil uts'at jini we'elł, mi caj i ñijcłyel i pusic'al jini mach bł xuc'ulic cha'an mi' c'ux chuqui tac aq'uebil dioste' tac, anquese mi' lon ña'tan mach uts'atic. ¹¹ Che' jini cha'an ti a ña'tłbal mi caj i sajtel jini winic. Cristo tsa' chłmi cha'an jini winic. ¹² Che' jini ma' cha'len mulil ti' contra jini hermanojob. Che' ma' włc' ti asiyel i pusic'al jini mach bł xuc'ulic i pusic'al, ma' cha'len mulil ti' contra Cristo. ¹³ Mi cha'an jach we'elł mi' yłjq'uel ti yajlel quermano, ma'anic mi caj j c'ux we'elł ti pejtelel ora ame mi cłc' ti yajlel quermano.

9

Jini mu' bł mejlel i c'ajtin apóstol

¹ ¿Mach ba apóstolonic? ¿Mach ba librejonnic? ¿Mach ba tsa'ic j q'uele Jesús lac Yum? ¿Mach ba jateticla que'tel

ti lac Yum? ² Mi an majch mi' yalob mach apóstolonic, mach che'ic jatetla come i sellojleletla que'tel ti lac Yum.

³ Mic subeñob jini mu' bΛ i c'ajtibeñoñob: ⁴ ¿Mach ba mejlic cΛq'uentel lojon chuqui mij c'ux lojon yic'ot chuqui mic jap lojon? ⁵ Che' an quijñam lojon, ¿mach ba mejlic c pΛy lojon majlel quic'ot che' bajche' mi' melob yaño' bΛ apóstolob yic'ot i yijts'iñob lac Yum yic'ot Pedro? ⁶ Cojach joñon quic'ot Bernabé, ¿mach ba mejlic j cΛy lojon c mel yambΛ e'tel che' woliyon lojon ti subt'an?

⁷ ¿Am ba juntiquil soldado mu' bΛ i cha'len e'tel ti' bajñel taq'uin? Jini mu' bΛ i pΛc' ts'usubil, ¿mach ba anic mi' c'uxben i wut? Jini mu' bΛ i cΛntan i yalac', ¿mach ba anic mi' japben i leche? ⁸ ¿Jim ba i t'an jach winicob mu' bΛ c sub? ¿Mach ba che'ic mi' yal jini mandar ja'el? ⁹ Come ts'ijbubil ti' mandar Moisés: “Mach a cΛchben i yej tat wacax mu' bΛ i t'uchtaben loq'uel i wut trigo”. ¿Cojach ba tat wacax mi' cΛntan Dios? ¹⁰ ¿Mach ba wolic i cΛntañonla? Jini cha'an tsa' ts'ijbubentiyonla ili t'an: “Jini mu' bΛ i top' lum, la' i pijtan jini mu' bΛ caj ti colel. Jini mu' bΛ i jats' loq'uel i wut trigo an i pijtaya cha'an mi caj i yΛq'uentel lamital i wut”.

¹¹ Mi tsa'ix j cΛntesayetla cha'an mi la' p'Λt'an, ¿mach ba yomic mi la' wΛq'ueñon lojon ts'ita' la' chubΛ'an? ¹² Mi tsa' la' wΛq'ueyob yaño' bΛ ¿mach ba ñumen la' wentajic cha'an mi la' wΛq'ueñon lojon? Ma'anic tsaj c'ajtibeyet lojon, come mij cuch lojon chuqui tac wocol ame mic mΛctΛben lojon i wen t'an Cristo.

¹³ ¿Mach ba la' wujilic? Jini mu' bΛ i cha'leñob e'tel ti templo mi' c'uxob jini ac'bil bΛ ti templo. Jini mu' bΛ i yΛq'ueñob i majtan Dios ya' ti pulΛntib mi' c'uxob chuqui ac'bil ya'i. ¹⁴ Che' ja'el tsi' yΛc'Λ mandar lac Yum cha'an mi' yΛq'uentelob jini subt'añob pejtelel chuqui

tac yom cha'an i bɔc'tal, come mi' subob jini wen t'an.

¹⁵ Pero ma'anic tsaj c'ajtibeyetla chuqui yom tic tojlel anquese an que'tel. Ma'anic mic ts'ijban jini jun cha'an mi la' wɔq'ueñon chuqui yom cha'an c bɔc'tal, ame jilic c ñucler ti jini wen t'an. Ñumen uts'at mi tsa' chamiyon.

¹⁶ Anquese mic sub jini wen t'an, mach mejlic c sub c bɔ ti ñuc, come wersa ñijcɔbil c pusic'al cha'an mic sub jini wen t'an. Mi caj c taj wocol mi ma'anic mic sub.

¹⁷ Mi ti pejtelel c pusic'al mic sub, an c chobejtɔbal. Mi mach comic c sub jĩñɔch c sajtemal, come tsa' aq'uentiyon jini e'tel. ¹⁸ ¿Chuqui c chobejtɔbal che' jini? Che' mic sub jini wen t'an, jĩñɔch c chobejtɔbal che' mic sub i t'an Cristo ti chejachi. Jini cha'an ma'anic mij c'ajtin c tojol cha'an jini wen t'an.

¹⁹ Jini cha'an ma'anic winic mu' bɔ c yuman. Tic bajñel pusic'al tsa'ix cɔc'ɔ c bɔ ti x'e'tel i cha'an pejtelel winicob cha'an mi' ñopob cabɔlob. ²⁰ Ti' tojlel israelob lajal mic mel c bɔ bajche' israelob cha'an mi' ñopob. Ti' tojlel gentilob mu' bɔ i jac'ob mandar (anquese mach chɔn cɔchɔlonix ti jini mandar), lajal mic mel c bɔ bajche' jini mu' bɔ i jac'ob mandar, cha'an mi' ñopob. ²¹ Ti' tojlel winicob mach bɔ anic mi' cɔñob Dios lajal mic mel c bɔ bajche' jini mach bɔ anic mi' cɔñob Dios, cha'an mi' ñopob. (Pero ti pejtelel c pusic'al wolic jac'ben i mandar Cristo.) ²² Ti' tojlel winicob mach bɔ xuc'ulic mi' ñopob, mi cajñel bajche' juntiquil mach bɔ p'ɔtɔlic cha'an mi' ñopob jini mach bɔ añobic i p'ɔtɔlel. Lajal mic mel c bɔ bajche' pejtelel winicob cha'an mij coltañob che' bajche' jaytiquil mi' mejlel. ²³ Che'ɔch mic mel cha'an mi' cɔñob jini wen t'an, cha'an mic taj c wenlel ja'el ti jini wen t'an quic'ot jini mu' bɔ i ñopob.

²⁴ ¿Mach ba la' wujilic? Jini mu' bɔ i cha'leñob ajñel ti' tojlel xq'uelojelob mi' cha'leñob ajñel ti pejtelelob, pero

cojach juntiquil mi' taj i majtan. Cha'lenla ajñel jatetla che' bajche' jini mu' bλ i taj i majtan. ²⁵ Pejtelel mu' bλ i cha'leñob ajñel mi' bajñel cantañob i bλ cha'an mi' yλq'uentelob i corona mu' bλ i jilel. Joñonla mi' laj cantan lac bλ cha'an mi' la cλq'uentel corona mach bλ anic mi' jilel. ²⁶ Jini cha'an mic cha'len ajñel che' bajche' juntiquil yujil bλ baqui mi' majlel. Ma'anic mic cha'len cujoñel che' bajche' winic t'uchlaw bexlaw i c'λb. ²⁷ Mic tic' c bλc'tal cha'an mi' wersa jac'beñon, ame mic chilbentel j c'λjñibal che' bλ tsa'ix c subeyob winicob jini wen t'an.

10

Tic'ojel cha'an i ch'ujutes antel dioste'

¹ Hermanojob, mach comic mi' ñajlyel ti la' pusic'al bajche' tsa' ajniyob pejtelel lac ñojte'el che' bλ tsi' toj'esayob majlel Dios ti tocal. Ti pejtelelob tsa' ñumiyob majlel ti ojilil colem ñajb. ² Ti pejtelelob tsa' aq'uentiyob ch'λmja' yilal ti tocal yic'ot ti colem ñajb che' bλ tsi' yλc'lyob i bλ ti' wenta Moisés. ³⁻⁴ Ti pejtelelob tsi' c'uxuyob jini jach bλ we'elal yic'ot ja' aq'uebilo' bλ ti Dios. Tsa' loq'ui i ya'al ti jini Xajlel ac'bil bλ ti Dios. Jini Xajlel tsa' bλ i pi'leyob majlel jiñλch Cristo. ⁵ Pero cabλ lac ñojte'el mach uts'atobich ti' wut Dios. Jini cha'an tsa' jisantiyob ti colem bλ i tiquiñal pañimil.

⁶ Che'λch tsa' ujti cha'an lac tic'ol cha'an ma'anic mi' lac mulan jontolil che' bajche' tsi' mulayob. ⁷ Mach la' ch'ujutesan dioste' tac che' bajche' yaño' bλ, come ts'ijbubil: "Jini winicob x'ixicob tsa' buchleyob cha'an mi' cha'leñob we'el uch'el. Tsa' ch'ojyiyob ti son", che'en. ⁸ Mach yomic mi' la' cha'len ts'i'lel che' bajche' tsi' cha'leyob lamital. Tsa' chλmiyob uxp'ejl i cha'c'al ti mil ti jump'ejl jach q'uin. ⁹ Mach yomic mi' la' quilλben i pusic'al lac Yum che' bajche' tsi' cha'leyob lamital. Tsa' jisantiyob

ti lucum tac. ¹⁰ Mach la' cha'len wulwul t'an ti la' pusic'al che' bajche' tsi' cha'leyob jini tsa' bΛ jisΛntiyob cha'an jini Angel yujil bΛ tsΛnsa.

¹¹ Che'Λch tsa' ujtiyob cha'an laj cΛntesΛntel. Tsa' ts'ijbunti cha'an lac tic'ol joñonla cuxulonto bΛ la ti ili ora che' lΛc'Λlix i jilibal. ¹² Jini cha'an jini mu' bΛ i q'uel i bΛ ti xuc'ul, la' i cΛntan i bΛ ame yajlic. ¹³ Ma'anic mi junchajpic la' pΛyol ti mulil mach bΛ anic tsi' yubiyob yaño' bΛ. Xuc'ul i pusic'al Dios. Ma'anic mi' yΛq'ueñetla la' taj la' pΛyol ti mulil mach bΛ mejlic la' cuch. Che' mi la' pΛjyel ti mulil, Dios mi' yΛq'ueñetla la' p'ΛtΛlel cha'an mi la' cuch. Che' jini mi mejlel la' loq'uel ba' pΛybilet ti mulil.

Jini ch'ujul bΛ waj

¹⁴ Jini cha'an c'uxbibilet bΛ la, mach yomic mi la' ch'ujutesan dioste' tac. ¹⁵ Che'Λch mic pejcañetla, come mi la' ña'tan pañimil. Ña'tanla bajche' yom mi la' jac'. ¹⁶ Che' mi lac tem ch'Λm jini vaso che' mi lac suben Dios wocolix i yΛΛ, ¿mach ba wolic lac tem taj lac wenlel ti' ch'ich'el Cristo? Che' mi lac tem c'ux jini waj mu' bΛ lac xut', ¿mach ba wolic lac tem taj lac wenlel ti' bΛc'tal Cristo? ¹⁷ Anquese cabΛlonla, lajalonla bajche' junq'uejl waj. Jump'ejl i bΛc'talonla Cristo, come ti pejtelelonla mi laj c'ux jini junq'uejl waj.

¹⁸ Ña'tanla bajche' mi' melob israelob. Jini mu' bΛ i c'uxob jini we'elΛ mu' bΛ i yΛq'ueñob Dios ti' majtan, ¿mach ba muq'uic i tem tajob i wenlel ti' tojlel pulΛntib? ¹⁹ ¿Chuqui i sujmllel c t'an, che' jini? ¿Am ba i c'Λjñibal dioste' tac? ¿Am ba i c'Λjñibal jini aq'uebil bΛ dioste' tac? Ma'anic. ²⁰ Pero jini sajtemo' bΛ, che' mi' yΛc'ob i majtan ti pulΛntib, woli' yΛq'ueñob xibajob. Ma'anic mi' yΛq'ueñob Dios. Mach comic mi la' tem ajñel yic'ot

1 CORINTIOS 10:21-33 CORINTIOS 10:33

xibajob. ²¹ Mach mejlic mi la' jap ti' vaso lac Yum mi woli la' jap ti' vaso xibajob. Mach mejlic la' c'ux waj ti' mesa lac Yum mi woli la' c'ux waj ti' mesa xibajob. ²² ¿Mu' ba lac techben i mich'ajel lac Yum? ¿Ñumen p'atlon ba la bajche' lac Yum?

Melela chuqui tac wen cha'an mi' tsictiyel i ñuclel Dios

²³ Pejtelel jini la com bλ lac mel mi mejlel lac mel, pero mach uts'atic mi tsa' lac mele ti pejtelel. Come ma'anic i c'ajñibal ti pejtelel cha'an mi' xuc'chocoñonla. ²⁴ Mach i lon sλclan i bajñel wenlel mi juntiquilic. La' i ña'tan i wenlel yaño' bλ. ²⁵ C'uxula jini mu' bλ i choñob ti choño' we'elλ. Mach la' c'ajtibeñob mi aq'uebilix dioste' tac ame tejchic t'an ti la' pusic'al. ²⁶ Come i cha'an lac Yum jini lum yic'ot pejtelel i bλ. ²⁷ Mi tsi' pλyλyetla ti' yotot jini mach bλ wolic i ñop Dios, cucula mi la' wom majlel. C'uxula chuqui tac mi' yλq'ueñetla. Mach la' c'ajtiben mi aq'uebil dioste' tac ame tejchic t'an ti la' pusic'al. ²⁸ Mi an majch mi' subeñetla: Tsa'ix aq'uenti dioste' tac, mi che'en, mach mi la' c'ux ame tejchic t'an ti' pusic'al jini tsa' bλ i subeyetla, ²⁹ ame cajic ti t'an i pusic'al, mach a pusic'alic. ¿Chucoch mi' q'uejlel ti mulil jini mu' bλ c mel ti jump'ejl c pusic'al che' woli ti t'an i pusic'al yambλ? ³⁰ Mi tsaj c'uxu ti' yutslel c pusic'al, ¿chucoch mij q'uejlel ti xmulil cha'an jini tsa' bλ j c'uxu che' bλ tsac sube Dios wocolix i yλλ?

³¹ Mi an chuqui mi la' c'ux, che' jini, mi an chuqui mi la' jap, mi an yambλ chuqui mi la' cha'len, cha'lenla ti pejtelel cha'an mi' tsictiyel i ñuclel Dios. ³² Mach mi la' wλc' ti yajlel judíojob, mi gentilob, mi xñopt'año b i cha'año' bλ Dios. ³³ Joñon ja'el wolic ñop c mel chuqui uts'at ti' wut pejtelel winicob ti pejtelel chuqui mic mel.

Ma'anic mic sɔclan c bajñel wenlel. Mic sɔclan i wenlel yaño' bɔ cha'an mi' coltɔntelob cabɔlob.

11

Uts'at bɔ ti' tojlel x'ixicob

¹ Melela che' bajche'on. Joñon ja'el mic mel che' bajche' Cristo. ² Hermanojob mic sub uts'at woli la' mel, come c'ajalon la' cha'an. Woli la' chɔn jac' jini cɔntesa che' bajche' tsaj cɔntesayetla.

³ Com mi la' ña'tan, i Yum pejtelel winicob jiñɔch Cristo. I yum x'ixic jiñɔch winic. I yum Cristo jiñɔch Dios. ⁴ Mi mosol i jol winic che' mi' pejcan Dios o che' mi' cha'len subt'an, woli' ts'a'len i yum. ⁵ Che' mach mosolic i jol x'ixic woli bɔ ti oración yic'ot subt'an mi' ts'a'len i yum, come lajal yilal mi tsa' jujchinti i jol. ⁶ Mi ma'anic mi' mos i jol x'ixic, la' laj sejt'ic i jol. Mi quisintic mi' yubin che' set'bil i jol yic'ot che' jujchibil, la' i mos i jol. ⁷ Mach wenic mi tsi' moso i jol winic, come jiñɔch i yejtal Dios yic'ot i ñucllel Dios. Jini x'ixic i ñucllelɔch winic. ⁸ Come mach loq'uemic winic ti x'ixic, pero loq'uem x'ixic ti winic. ⁹ Come Dios ma'anic tsi' mele winic cha'an i wenlel x'ixic. Tsi' mele x'ixic cha'an i wenlel winic. ¹⁰ Jini cha'an la' tsictiyic ti' jol x'ixic i yejtal i p'ɔtɔlel winic, come woli' q'uelob jini ángelob.

¹¹ Ti lac Yum cɔyɔl x'ixic ti winic, cɔyɔl winic ti x'ixic. ¹² Come loq'uem x'ixic ti winic, che' ja'el winic tilem ti x'ixic. Ti' cha'ticlelob tilemob ti Dios. ¹³ Ña'tanla jatetla bajche' yom. ¿I t'ojol ba mi' pejcan Dios x'ixic che' mach mosolic i jol? ¹⁴ ¿Mach ba anic mi' cɔntesañetla la' bajñel pusic'al, mach i t'ojolic che' tam i jol winic? ¹⁵ Mach che'ic x'ixic. Mi tam i jol i t'ojol jax, come aq'uebil i tsutsel i jol cha'an i mosil. ¹⁶ Mi an majch mi' tech cabɔl t'an mach

che'ic mic mel lojon. Mach che'ic mi' melob xñopt'añob i cha'año' bΛ Dios.

I Cena lac Yum

(Mt. 26.26-29; Mr. 14.22-25; Lc. 22.14-20)

¹⁷ Pero mic subeñetla mach wenic woli la' mel. Ma'anic mij q'ueletla ti uts'at. Come che' mi la' tempan la' bΛ ma'anic la' wenlel, pero leco mi la' wajñel. ¹⁸ Ñaxan tsa cubi woli la' t'ox la' bΛ ti a'leya che' mi la' tempan la' bΛ. Mi cΛ isujm. ¹⁹ ¿Yom ba mi la' t'ox la' bΛ ti a'leya cha'an mi' tsictiyel majqui wen ti la' tojlel? ²⁰ Che' mi la' tempan la' bΛ, mach jinic i Cena lac Yum mu' bΛ la' c'ux. ²¹ Come che' mi la' c'ux ti jujuntiquiletla, mi la' se'ñun la' bΛ cha'an mi la' bajñel ch'Λm la' waj. Juntiquil an i wi'ñal, yambΛ yΛc. ²² ¿Mach ba anic la' wotot cha'an ya'i mi la' cha'len we'el uch'el? ¿Mu' ba la' ts'a'len jini xñopt'añob mu' bΛ i tempañob i bΛ? ¿Mu' ba la' wΛc' ti quisin jini mach bΛ añobic i bΛ i ñΛc'? ¿Chuqui yom mic subeñetla? ¿Yom ba mic sub uts'at woli la' mel? Mach yomic. Mach uts'atic.

²³ Come tsa'ix aq'uentiyon c sub i sujmllel i Cena lac Yum che' bajche' tsaj cΛntesayetla. Lac Yum Jesús tsi' ch'ΛmΛ waj ti jini jach bΛ ac'Λlel che' bΛ tsa' ajq'ui ti' c'Λb i contra. ²⁴ Che' bΛ tsa' ujti i suben wocolix i yΛΛ Dios, tsi' xut'u. Tsi' yΛΛ: “Ch'ΛmΛla, c'uxula, jiñΛch c bΛc'tal mu' bΛ i xujt'el cha'añetla. Che'Λch yom mi la' cha'len cha'an mi la' ña'tañon”. Che' tsi' yΛΛ. ²⁵ Che' ja'el, tsi' ch'ΛmΛ vaso che' bΛ tsa' ujti ti we'el. Tsi' yΛΛ: “Jini vaso jiñΛch i yejtal jini tsijib xuc'ul bΛ t'an wa'chocobil bΛ tic ch'ich'el. Che'Λch yom mi la' cha'len ti jujunyajl che' mi la' jap cha'an mi la' ña'tañon”, che'en. ²⁶ Come ti jujunyajl che' mi la' c'ux jini waj, che' mi la' jap ti jini vaso, mi la' wΛc' ti tsictiyel bajche' tsa' chΛmi lac Yum c'ΛΛΛ mi' cha' tilel.

²⁷ Jini cha'an jini mach bλ wenic bajche' mi' c'ux jini waj yic'ot bajche' mi' jap ti' vaso lac Yum, an i mul, come mi' ts'a'len i bλc'tal yic'ot i ch'ich'el lac Yum. ²⁸ Ti jujuntiquil la' i bajñel ña'tan bajche' an i pusic'al. Che' jini, la' i c'ux jini waj, la' i jap ti jini vaso. ²⁹ Come jini mach bλ wenic mi' c'ux mi' jap, woli' pλy i wocol come ma'anic mi' ña'tan i bλc'tal lac Yum che' mi' c'ux che' mi' jap. ³⁰ Jini cha'an an cabλ c'amo' bλ ba' añetla, cabλ c'uño' bλ. Lamital chλmeñob. ³¹ Tsa'ic lac ñaxan mele lac bλ, ma'anic tsa' aq'uentiyonla wocol. ³² Pero che' mi' la cλq'uentel wocol, lac Yum woli' ju'sλbeñonla lac pusic'al cha'an ma'anic mi' la cochel ti toj mulil yic'ot i cha'año' bλ pañimil.

³³ Jini cha'an quermanojob, che' mi' la' tempan la' bλ cha'an mi' la' c'ux waj, pijtan la' bλ. ³⁴ Mi an i wi'ñal juntiquil, la' i c'ux i waj ti' yotot, cha'an ma'anic mi' la' wλq'uentel wocol cha'an chuqui woli' la' mel che' mi' la' tempan la' bλ. Mi an yambλ wocol ti la' tojlel mi' caj c subeñetla bajche' yom mi' la' toj'esan ba' ora mij c'otel.

12

Laj c'λjñibal mu' bλ i yλq'ueñonla jini Espíritu

¹ Hermanojob, com mi' la' ña'tan i sujmllel laj c'λjñibal tsa' bλ aq'uentiyonla ti jini Espíritu. ² La' wujil che' sajtemetla tsa' pλjyiyetla majlel ba'an x'uma' dios tac, bajche' jach tsa' ñijcantiyetla. ³ Jini cha'an mic subeñetla mach cantesλbilic ti' yEspíritu Dios majqui jach mi' yλ chocol ti Dios jini Jesús. Cojach jini cantesλbil bλ ti Ch'ujul bλ Espíritu mi' mejlel i pejcan Jesús ti' Yum.

⁴ Ti chajp ti chajp an laj c'λjñibal tsa' bλ aq'uentiyonla, pero juntiquil jach Espíritu. ⁵ Ti chajp ti chajp an la que'tel, pero juntiquil jach lac Yum. ⁶ Ti chajp ti chajp an lac melbal, pero juntiquil jach Dios mu' bλ i ñij-cañonla ti lac pejtelel. ⁷ Ti jujuntiquilonla aq'uebilonla

laj c'ajñibal ti jini Espíritu cha'an i wenlel pejtelelob.
⁸ Come juntiquil mi' yλq'uentel cabλ i ña'tλbal cha'an
 jini Espíritu cha'an mi' sub i sujmllel jini t'an. Yambλ mi'
 yλq'uentel cabλ i ña'tλbal cha'an jini jach bλ Espíritu
 cha'an mi' cha'len cλntesa. ⁹ Yambλ mi' yλq'uentel i ñop
 Dios ti wen xuc'ul cha'an jini jach bλ Espíritu. Yambλ
 mi' yλq'uentel i c'ajñibal ti lajmesaya cha'an jini jach bλ
 Espíritu. ¹⁰ Yambλ mi' yλq'uentel i pλs i yejtal i p'atλlel
 Dios. Yambλ mi' yλq'uentel i c'ajñibal ti subt'an. Yambλ
 mi' yλq'uentel i cλn mi wen o mi jontol jini espíritujob.
 Yambλ mi' yλq'uentel i cha'len t'an ti yan tac bλ t'an.
 Yambλ mi' yλq'uentel i ñusan i sujmllel yan tac bλ t'an.
¹¹ Jini juntiquil jach bλ Espíritu mi' yλq'ueñonla lac mel
 pejtelel ili tac. Ti chajp ti chajp mi' yλq'ueñob i c'ajñibal
 winicob x'ixicob ti jujuntiquil che' bajche' yom Dios.

I bλc'tal Cristo

¹² An cabλ chucbil tac bλ ti lac bλc'tal, pero jump'ejl
 jach lac bλc'tal. Che'ach ja'el i bλc'tal Cristo yic'ot
 xñopt'añob. ¹³ Come juntiquil jach jini Espíritu. Che'
 bajche' ti ch'λmjja' tsi' tem otsayonla ti jump'ejl jach i
 bλc'tal Cristo, mi judío, mi griego, mi jini am bλ ti' yum,
 mi jini mach bλ anic ti' yum. Tsa' aq'uentiyonla lac ch'λm
 jini jach bλ Espíritu.

¹⁴ Come jini lac bλc'tal mach junchajpic jach chuqui
 chucbil pero cabλλach. ¹⁵ Jini la coc, mi tsi' yλλ mach
 i cha'anic lac bλc'tal come mach c'λbλlic, ¿mach ba i
 cha'anic lac bλc'tal che' jini? ¹⁶ Jini lac chiquin, mi tsi' yλλ
 mach i cha'anic lac bλc'tal come mach wutλlic, ¿mach ba
 i cha'anic lac bλc'tal che' jini? ¹⁷ Mi ti pejtelel lac bλc'tal
 to'o lac wut jach an, ¿bajche' mi la cubin t'an che' jini?
 Mi ti pejtelel lac bλc'tal to'o lac chiquin jach an, ¿bajche'
 mi mejlel lac sic'? ¹⁸ Ti chajp ti chajp tsi' tempa Dios jini

chucul tac bλ ti lac bλc'tal che' bajche' yom i pusic'al. ¹⁹ Mi to'ol c'λbλl jach pejtelel lac bλc'tal, ¿bajche' an lac bλc'tal che' jini? ²⁰ Pero isujm an cabλl chucul tac bλ ti lac bλc'tal anquese jump'ejl jach lac bλc'tal.

²¹ Jini lac wut mach mejlic i suben laj c'λb ma'anic i c'λjñibal. Che' ja'el lac jol mach mejlic i suben la coc ma'anic i c'λjñibal. ²² Pero jini chucul tac bλ ti lac bλc'tal mach bλ p'λtλlic yilal, ñumen an i c'λjñibal. ²³ Jini chucul tac bλ ti lac bλc'tal mach bλ yoque uts'atic mi laj q'uel, ñumen mi la cλq'uen i t'ojlλwib. Jini mach bλ i t'ojolic ti q'uelol mi lac mos ti pisil. ²⁴ Jini i t'ojol bλ ti q'uelol ma'anic chuqui yom mi' yλq'uentel. Che' bλ tsi' tempa lac bλc'tal Dios, tsi' yλq'ue ñumen i c'λjñibal jini mach bλ ñuquic ti q'uelol. ²⁵ Che' jini, ma'anic mi' contrajiñob i bλ jini chucul tac bλ ti lac bλc'tal. Mi' tem cλntañob i bλ. ²⁶ Mi tsi' taja wocol jump'ejl chucul bλ ti lac bλc'tal, mi la cubin ti pejtelel lac bλc'tal. Mi tsi' taja i ñuclel, tijicña mi la cubin ti pejtelel lac bλc'tal.

²⁷ Jatetla i bλc'taletla Cristo. Jatetla miembrojetla ti' bλc'tal Cristo. ²⁸ Dios tsi' wa'chocoyonla ti' tojlel xñopt'añob, ñaxan jini apóstolob, wi'il subt'añob, wi'il xcantesajob, wi'il jini mu' bλ i pλsob i yejtal i p'λtλlel Dios, yic'ot jini am bλ i c'λjñibal ti ts'λcaya, yic'ot jini am bλ i c'λjñibal ti coltaya, yic'ot jini am bλ i ye'tel ti yumλl, yic'ot jini mu' bλ i cha'leñob t'an ti yan tac bλ t'an. ²⁹ ¿Apóstolob ba ti pejtelel? ¿Subt'añob ba ti pejtelelob? ¿Xcantesajob ba ti pejtelelob? ¿Mu' ba i pλsob i yejtal i p'λtλlel Dios ti pejtelelob? ³⁰ ¿Am ba i c'λjñibal ti ts'λcaya ti pejtelelob? ¿Mu' ba i cha'leñob t'an ti yan tac bλ t'an ti pejtelelob? ¿Mu' ba i ñusañob i sujmllel yan tac bλ t'an ti pejtelelob? ³¹ Pero cha'lenla wersa la' taj jini ñumen wen bλ la' c'λjñibal. Mi caj c pλsbeñetla wλle chuqui ñumen uts'at.

13

C'uxbiya

¹ Muq'uic c cha'len t'an ti' t'an tac winicob yic'ot ti' t'an ángelob, mi ma'anic j c'uxbiya, tsintsiñayon bajche' tsucu taq'uin. Lajalon bajche' tsucu taq'uin mu' bλ i cujtλ.

² Anic j c'λjñibal ti subt'an yic'ot c ña'tλbal ti pejtelel i sujmllel mach bλ tsictiyemic ti yambλ ora, yic'ot pejtelel chuqui tac ña'tλbil ti pañimil, muq'uic c ñop Dios ti xuc'ul bλ c pusic'al cha'an mic tλts' wits, pero mi ma'anic j c'uxbiya, ma'anic j c'λjñibal. ³ Muq'uic c laj pucbeñob c chubλ'an cha'an mic we'san jini mach bλ añobic i bλ i ñλc', muq'uic cλc' c bλ ti pulel cha'an mij coltañob, mi ma'anic j c'uxbiya, ma'anic chuqui mic taj.

⁴ Jini yujil bλ c'uxbiya jal mi' cuchben i mul yaño' bλ, wen uts i pusic'al. Jini yujil bλ c'uxbiya mach tsλyt-sλyñayic i pusic'al che' mi' q'uel i wenlel i pi'λlob. Ma'anic mi' sub i bλ ti ñuc. Ma'anic mi' mel i bλ ti chan ti' tojlel i pi'λlob. ⁵ Jini yujil bλ c'uxbiya mach lecojic i melbal. Ma'anic mi' sajcan chuqui yom ti' bajñel pusic'al. Ma'anic mi' bλc' mich'an, ma'anic mi' lot ti' pusic'al i contrajintel. ⁶ Mach tijicñayic mi' yubin che' mi' tic'λntel jini toj bλ. Tijicña mi' yubin che' uts'at mi' loq'uel jini toj bλ. ⁷ Mi' ñusan pejtél wocol, mi' ñop pejtelel chuqui tac isujm, mi' cha'len pijtaya ti' xuc'talel i pusic'al, mi' ñusan ti' uts'at pejtelel chuqui tac mi' yujtel.

⁸ Mach jilic i c'uxbiya ti pejtelel ora. Mi' caj ti ujtél i c'λjñibal subt'an. Mi' caj ti jilél yan tac bλ t'an. Mi' caj i jilél i ña'tλbal pañimil. ⁹ Come mach laj cλmbilic lac cha'an. Mach ts'λcλic mi' lac tsictesan ti subt'an. ¹⁰ Che' mi' tilé jini ts'λcλl bλ, mi' caj ti jilél jini mach bλ ts'λcλic. ¹¹ Che' alobon to tsac cha'le t'an che' bajche' alob. Tsac ña'ta che' bajche' alob. Tsac ch'λmbe isujm che' bajche' alob. Che' bλ tsa' ochiyon ti winic, tsaj cλyλ c mel che' bajche'

alob. ¹² Come wale mi lac ylxña q'uel Cristo che' bajche' ti espejo. Pero che' mi' tilel mi caj laj q'uelben i wut. Wale wolic ylxña cλn, pero ti wi'il bλ ora mi caj c wen cλn che' bajche' Dios mi' cλñon. ¹³ Wale anto lac cha'an uxchajp: lac ñopbal, lac pijtaya yic'ot laj c'uxbiya. Pero jini ñumen ñuc bλ jiñlch c'uxbiya.

14

Jini mu' bλ i cha'len t'an ti yan tac bλ t'an

¹ Chλn cha'lenla c'uxbiya. Cha'lenla wesa cha'an mi la' taj la' c'λjñibal ti jini Espíritu. Jini ñumen uts'at bλ jiñlch la' c'λjñibal ti subt'an. ² Come jini mu' bλ i cha'len t'an ti yan tac bλ t'an ma'anic mi' pejcan i pi'llob, cojach mi' pejcan Dios. Ma'anic mi' ch'λmbeñob isujm winicob. Mi' sub i sujmllel Dios ti yambλ t'an ti Espíritu. ³ Jini mu' bλ i cha'len subt'an mi' xuc'chocobeñob i pusic'al winicob. Mi' xic'ob ti' melol chuqui uts'at. Mi' ñuq'uesλbeñob i pusic'al. ⁴ Jini mu' bλ i cha'len t'an ti yan tac bλ t'an mi' bajñel xuc'chocon i pusic'al. Jini mu' bλ i cha'len subt'an mi' xuc'chocobeñob i pusic'al xñopt'añob mu' bλ i tempañob i bλ. ⁵ Uts'at mi ti pejteletla an la' c'λjñibal ti yan tac bλ t'an. Pero ñumen uts'at mi la' cha'len subt'an ti la' bajñel t'an. Come lolom jach yan tac bλ t'an mi ma'anic majch mi' ñusλbeñob i sujmllel cha'an mi' xuc'chocobeñob i pusic'al xñopt'añob. Che' jini ñumen an i c'λjñibal jini mu' bλ i cha'len subt'an bajche' jini mu' bλ i cha'len t'an ti yan tac bλ t'an.

⁶ Wale hermanojob, mi woliyon ti t'an ti yan tac bλ t'an che' mic tilel ba' añetla, ¿chuqui i c'λjñibal la' cha'an? Cojach an i c'λjñibal mi tsac subeyetla ti la' t'an jini tsa' bλ pλsbentiyon, mi jini ña'tλbil bλ c cha'an, mi jini wen t'an, o mi cantesa. ⁷ Jini música tac ja'el, che' bajche' amly yic'ot guitarra mach bλ cuxulic, mi mach yλñalic

mi' loq'uel i t'an, ¿bajche' che' jini, mi' caj ti cɔjñel chuqui woli ti wustɔl ti amɔy yic'ot chuqui woli ti ñijcɔntel ti guitarra? ⁸ Mi mach uts'atic mi' loq'uel i t'an trompeta, ¿majqui mi caj i chajpan i bɔ cha'an guerra? ⁹ Che' ja'el jatetla, che' mi la' cha'len t'an ti yambɔ t'an mach bɔ anic mi' ch'ɔmbeñob isujm, ¿bajche' che' jini mi caj i ña'tañob chuqui mi la' wɔl? Che' jini to'ol t'an jach woliyetla. ¹⁰ Isujm an cabɔl yan tac bɔ t'an ti pañimil. Ti jujunchajp an i sujmllel. ¹¹ Mi ma'anic mic ch'ɔmben isujm junchajp t'an, che'ɔch mi' q'uelon jini mu' bɔ ti t'an bajche' juntiquil ch'oyol bɔ ti yambɔ lum. Joñon ja'el mij q'uel jini winic mu' bɔ ti t'an che' bajche' juntiquil ch'oyol bɔ ti yambɔ lum. ¹² Che' ja'el jatetla, come la' wom la' c'ɔjñibal mu' bɔ i yɔc' jini Espíritu, cha'lenla wersa la' taj cabɔl la' c'ɔjñibal cha'an mi la' xuc'chocon jini xñopt'añob mu' bɔ i tempañob i bɔ.

¹³ Jini cha'an jini mu' bɔ i cha'len t'an ti yambɔ t'an la' i c'ajtiben Dios i ña'tɔbal cha'an mi' ñusan i sujmllel. ¹⁴ Mi wolic pejcan Dios ti yambɔ t'an mach bɔ j cɔñɔyic, wolic pejcan tic ch'ujlel jach, mach tic ña'tɔbalic. ¹⁵ ¿Bajche' yom che' jini? Mi caj c pejcan Dios tic ch'ujlel, mi caj c pejcan tic ña'tɔbal ja'el. Mi caj c cha'len c'ay tic ch'ujlel, mi caj c cha'len c'ay tic ña'tɔbal ja'el. ¹⁶ Come mi ti a ch'ujlel jach ma' ch'ujutesan Dios ti' tojlel jini mu' bɔ i tilel i ñich'tan, ¿bajche' mi caj i yɔl amén che' ma' suben Dios wocolix i yɔlɔ, mi ma'anic mi' ch'ɔmben isujm chuqui wola' wɔl? ¹⁷ Isujm jatet ma' suben Dios wocolix i yɔlɔ ti uts'at, pero ma'anic mi' xuc'chocontel i pusic'al yambɔ. ¹⁸ Mic suben Dios wocolix i yɔlɔ, come ñumen mic cha'len t'an ti yan tac bɔ t'an bajche' jatetla. ¹⁹ Uts'at mi cɔl che' mic cha'len jo'p'ejl t'an yic'ot c ña'tɔbal cha'an mij cɔntesan yaño' bɔ. Mach uts'atic lujump'ejl mil t'an ti yambɔ t'an mach bɔ yujilobic.

²⁰ Hermanojob, mach yomic lajal la' ña'tɫbal bajche' i ña'tɫbal alobob. Mach yomic jontoletla. Yom lajaletla bajche' alɫlob. Yom lajal la' ña'tɫbal bajche' winicob año' bɫ cabɫ i pusic'al. ²¹ Ts'ijbubil: “Mi caj j c'ɫmben i yej yaño' bɫ yic'ot yan tac bɫ t'an cha'an mic pejcan ili winicob x'ixicob. Pero anquese che'ɫch mic pejcañoob mach yomobic i yubibeñoon c t'an”, che'en lac Yum. ²² Jini t'an tac mach bɫ cɫmbilic jiñɫch i yejtal i p'ɫɫlel Dios ti' tojlel jini mach bɫ anic mi' ñopob Dios, mach ti' tojlelic jini mu' bɫ i ñopob. Pero che' an majch mi' cha'len alt'an, an i c'ɫjñibal i cha'an jini mu' bɫ i ñopob. Ma'anic i c'ɫjñibal i cha'an jini mach bɫ anic mi' ñopob. ²³ Che' mi la' tempa la' bɫ xñopt'añet bɫ la, mi ti jujuntiquiletla mi la' cha'len t'an ti yan tac bɫ t'an, ¿chuqui mi caj i yɫlob jini mach bɫ cɫntesɫbilobic yic'ot jini mach bɫ anic mi' ñopob? ¿Mach ba muq'uic caj i yɫlob sojquem la' jol? ²⁴ Che' mi' yochel juntiquil mach bɫ anic mi' ñop, o mi juntiquil mach bɫ cɫntesɫbilic, mi ti pejteletla mi la' cha'len subt'an, che' jini mi' jec'bentel i pusic'al cha'an la' t'an ti la' pejtelel. Mi caj i ña'tan xmulilɫch. ²⁵ Mi' caj ti tsictiyel jini mucul tac bɫ ti' pusic'al. Jini cha'an mi caj i pɫcchocon i bɫ cha'an mi' ch'ujutesan Dios. Mi caj i yɫl: Ya'an Dios la' wic'ot ti isujm, che'en.

Toj yom jini ch'ujutesaya

²⁶ ¿Bajche' yom, che' jini, hermanojob? Che' mi la' tempa la' bɫ, juntiquil an i salmo, yambɫ an i cɫntesɫbal, yambɫ mi' cha'len t'an ti yambɫ t'an, yambɫ mi' yɫq'uentel chuqui mi' pɫs, yambɫ mi' ñusan i sujmllel jini yan tac bɫ t'an. La' mejlic ti pejtelel cha'an mi la' xuc'chocon la' bɫ. ²⁷ Mi an mu' bɫ i cha'leñoob t'an ti yan tac bɫ t'an jasɫ cha'tiquil uxtiquil. Mach yomic i ñumel ti uxtiquil. Belecña yom mi' subob. La' i ñusan i

sujmlel juntiquil. ²⁸ Mi ma'anic majch mi mejlel i ñusan i sujmlel jini t'an, mach i cha'len t'an ti yambλ t'an ba' mi' tempañob i bλ. La' i bajñel pejcan Dios.

²⁹ Che' ja'el la' i cha'leñob subt'an cha'tiquil uxtiquil jach. Jini yaño' bλ la' i yubiñob mi toj. ³⁰ Mi an juntiquil buchul bλ mu' bλ i yλq'uentel chuqui mi caj i sub, la' i cλy i t'an jini ñaxan bλ. ³¹ Come ti pejteletla mi mejlel la' q'uex la' bλ ti subt'an cha'an mi la' cλntesan la' bλ ti pejtelel yic'ot cha'an mi la' xic' la' bλ ti uts'at. ³² Jini aq'uebil bλ jump'ejl t'an ti Dios mi mejlel i yujtesan i sub, o mi mejlel i poj cλy cha'an mi' sub yambλ. ³³ Come Dios ma'anic mi' mulan jini ju'ucña bλ, cojach ñλch'λl bλ baqui jach mi' tempañob i bλ i cha'año' bλ Dios. ³⁴ La' ajnicob ti ñλch'λl jini x'ixicob che' mi' tempañob i bλ xñopt'añob. Come tic'bilob ti t'an. Yom mi' jac'ob i cλntesλntel che' bajche' mi' yλl jini mandar. ³⁵ Mi an chuqui yomob i ñop jini x'ixicob, la' i c'ajtibebñob i ñoxi'al ti' yotot. Come quisintic jax che' mi' cha'leñob t'an x'ixicob ba' mi' tempañob i bλ xñopt'añob. ³⁶ Cλxti mi ya'ic tsa' tejchi i t'an Dios ba' añetla. Cλxti mi ya'ic jach tsa' c'oti i t'an ya' ba' añetla.

³⁷ Mi an majch mi' sub i bλ ti subt'an mu' bλ i jac'ben jini Espíritu, la' i ña'tan jiñλch i mandar lac Yum tsa' bλ c ts'ijbubeyetla. ³⁸ Mi an juntiquil mach bλ yomic i jac', mach la' jac'ben i t'an ja'el. ³⁹ Jini cha'an hermanojob, cha'lenla wersa la' taj la' c'λjñibal ti subt'an. Mach la' tic' jini mu' bλ i cha'leñob t'an ti yan tac bλ t'an. ⁴⁰ Ti pejtelel chuqui tac mi la' cha'len, tem melela che' bajche' yom.

15

Tsa' tejchi ch'ojyel Cristo

¹ Mic subebñetla ja'el hermanojob, jiñλch jini wen t'an tsa' bλ c subeyetla, tsa'ix bλ la' ñopo, woli bλ la' chλn ñop. ² Mi woli la' chλn ña'tan jini t'an tsa' bλ c subeyetla,

coltɔbiletixla, mi isujm tsa' la' ñopo che' bɔ tsa' la' subu la' bɔ ti hermano.

³ Come tsaj cantesayetla jini jach bɔ t'an tsa' bɔ aq'uentiyon. Tsa' chɔmi Cristo cha'an lac mul, che' bajche' mi' yɔl ti' Ts'ijbujel Dios. ⁴ Tsa' mujqui. Ti yuxp'ejlel q'uin tsa' cha' ch'ojoyi che' bajche' mi' yɔl ti' Ts'ijbujel Dios. ⁵ Tsa' tsictiyi ti' wut Pedro, wi'il ti' wut jini lajchɔntiquil. ⁶ Wi'il tsa' tsictiyi ti' wut ñumen ti jo'c'al i cha'bajc' hermanojob che' temel añob. Cuxulob to cabɔl jini hermanojob, ojilil tsa' chɔmiyob. ⁷ Wi'il tsa' tsictiyi ti' wut Jacobo, wi'il ti' wut pejtelel apóstolob. ⁸ Wi'ilix tsa' tsictiyi tic wut ja'el. Che'ɔch añon bajche' juntiquil tsa' bɔ i yila pañimil che' ñumenix i yorajlel.

⁹ Come joñon mach lajalic c ñucler yic'ot yaño' bɔ apóstolob. Mach uts'atonic che' bɔ tsa' pɔjyiyon ti apóstol, come tsac tic'la xñopt'añob i cha'an Dios. ¹⁰ Pero wɔle apóstolon cha'an ti' yutslel i pusic'al Dios. Mach lolomic jach tsa' aq'uentiyon i yutslel i pusic'al Dios. Ñumen cabɔl tsac cha'le e'tel bajche' pejtelel yaño' bɔ, pero mach joñonic, jiñɔch i yutslel i pusic'al Dios am bɔ quic'ot. ¹¹ Tic pejtelel lojon, mi joñon o mi yaño' bɔ, mic sub lojon jini wen t'an, jini jach bɔ tsa' bɔ la' ñopo.

Mi caj i tejchelob ch'ojoyel chɔmeño' bɔ

¹² Mi wolic sub lojon tsa'ix tejchi ch'ojoyel Cristo, ¿chuchoch mi' lon alob cha'tiquil uxtiquil ya' ba' añetla ma'anic mi' ch'ojoyelob jini chɔmeño' bɔ? ¹³ Mi ma'anic mi' cha' ch'ojoyel jini chɔmeño' bɔ, che' jini, ma'anic tsa' ch'ojoyi Cristo ja'el. ¹⁴ Mi ma'anic tsa' ch'ojoyi Cristo lolom jach mic cha'len lojon subt'an. Lolom jach mi lac ñop ja'el. ¹⁵ Che'ic jini, lot jach mu' bɔ c sub lojon, come tsa'ix c subu lojon: Dios tsi' teche ch'ojoyel Cristo. Pero mach isujmic lac t'an mi ma'anic mi' ch'ojoyelob jini chɔmeño' bɔ, come che'

jini, Dios ma'anic tsi' teche ch'ojoyel Cristo. ¹⁶ Come mi ma'anic mi' tejchelob ch'ojoyel, ma'anic tsa' tejchi Cristo ja'el. ¹⁷ Mi ma'anic tsa' tejchi ch'ojoyel Cristo lolom jach mi la' ñop. Che'ic jini, añet tola ti la' mul. ¹⁸ Sajtemob ja'el jini chameño' bΛ tsa' bΛ i ñopoyob Cristo. ¹⁹ Mi wΛ' jach ti pañimil mi' poj coltañonla Cristo, ñumen p'ump'uñonla bajche' yaño' bΛ winicob.

²⁰ Pero isujm tsa'ix tejchi ch'ojoyel Cristo ba'an chameño' bΛ. Jiñach ñaxan bΛ tsa' bΛ ch'ojoyi. ²¹ Come cha'an ti' caj juntiquil winic mi' chamelob pejtelel winicob, che' ja'el cha'an ti' caj juntiquil winic mi' tejchelob ch'ojoyel jini chameño' bΛ. ²² Come che' bajche' mi' chamelob pejtelel i p'olbal Adán, che' ja'el mi caj i cha' cuxtayelob pejtelel año' bΛ ti' Cristo. ²³ Ti jujuntiquil mi' cha' tejchelob che' bajche' yom. Ñaxan tsa' ch'ojoyi Cristo, ti wi'il mi' cha' ch'ojoyel i cha'año' bΛ Cristo che' mi' cha' tilel. ²⁴ Wi'il talix i jilibal ba' ora Cristo mi caj i yΛq'uen i yumΛntel Dios i Tat che' mi' yujtel i jisΛbeñoob i yumΛntel yic'ot i p'ΛtΛlel pejtelel i contrajob. ²⁵ Come wersa mi' cha'len yumΛl Cristo jinto mi' t'uchtan pejtelel i contrajob. ²⁶ Mi caj i jisan ja'el jini cojix bΛ laj contra mu' bΛ i yΛc' ti chamel lac bΛc'tal. ²⁷ Come Dios tsi' yΛc'Λ ti' wenta Jesús pejtelel chuqui tac an. Che' mi' yΛl aq'uebil ti' wenta pejtelel chuqui tac an, tsiquilch ma'anic tsi' yΛc'Λ i bΛ Dios ti' wenta Cristo che' bΛ tsi' yΛq'ue pejtelel chuqui tac an. ²⁸ Che' mi' yujtel i ch'Λm ti' wenta i Yalobil Dios, mi caj i yΛc' i bΛ ti' wenta Dios tsa' bΛ i yΛc'Λ ti' wenta pejtelel chuqui tac an. Che' jini Dios i ñuclelch pejtelel chuqui tac an.

²⁹ Mi ma'anic mi' cha' ch'ojoyelob jini chameño' bΛ, ¿chuqui i ye'tel mi' ch'Λmob ja' jini cuxulo' bΛ ti' wenta jini tsa'ix bΛ chΛmiyob? ¿Chucoch che' jini mi' ch'Λmob ja' cha'an jini chameño' bΛ? ³⁰ ¿Chucoch che' jini mi

ԸԼԸ' lojon Ը ԲԼ ti jujump'ejl q'uin ba' ԲԼԲԼԳ'uen mic chԼmel lojon? ³¹ Mic subeñetla hermanojob, isujm ñuc Ը pusic'al mij q'ueletla ti lac Yum Jesucristo. Isujm ja'el ԲԼԲԼԳ'uen mic chԼmel ti jujump'ejl q'uin. ³² Machic tsac ña'ta mi' cha' ch'ojoyelob chԼmeño' ԲԼ, չchuqui to i ye'tel tsaj contraji jini jontolo' ԲԼ ti Efeso? Mi ma'anic mi' cha' ch'ojoyelob jini chԼmeño' ԲԼ, la' lac cha'len we'el uch'el, come mach jalix mi caj lac chԼmel. ³³ Mach yomic mi la' jac' la' lotintel. Jini jontolo' ԲԼ lac pi'lob mi' bib'esañoob lac pusic'al. ³⁴ Yom յԼԽԼԼ la' wo bajche' yom. Mach la' cha'len mulil. Come an winicob x'ixicob mach ԲԼ anic mi' ԸԼñoob Dios. Jini mic sub cha'an mij quisñitesañetla.

Bajche' yilal jini tsiji' ԲԼ lac ԲԸ'tal

³⁵ Pero an majqui mi caj i յԼ: չBajche' mi' tejchelob ch'ojoyel jini chԼmeño' ԲԼ? չBajche' yilal i cuctal? che'en. ³⁶ Tontojet mu' ԲԼ a աԼ jini. Jini mu' ԲԼ a րԸ' ma'anic mi' colel mi ma'anic mi' ñaxan mujquel. ³⁷ Jini mu' ԲԼ a րԸ' mach lajalic ti q'uelol bajche' jini mu' ԲԼ i pasel. Jini mu' ԲԼ a րԸ' to'ol րԸ' jach, mi trigo, o mi yambԼ. ³⁸ Dios mi' յԼԳ'uen i wut jini րԸ' bajche' yom. Ti jujunchajp րԸ' mi' յԼԳ'uentel i wut ti chajp ti chajp. ³⁹ Che' ja'el mach junlajalic ԲԸ'talԼ. Isujm junchajp i ԲԸ'tal winicob, yambԼ i ԲԸ'tal ԲԼte'el, yambԼ i ԲԸ'tal chԼյ, yambԼ i ԲԸ'tal te'lemut. ⁴⁰ An junchajp i ԲԸ'tal jini año' ԲԼ ti panchan, yambԼ i ԲԸ'tal jini año' ԲԼ ti pañimil. Junchajp i ñuclel jini año' ԲԼ ti panchan, yambԼ i ñuclel jini año' ԲԼ ti pañimil. ⁴¹ Junchajp i ñuclel jini q'uin, yambԼ i ñuclel jini uw, yambԼ i ñuclel jini ec', come i ñuclel jump'ejl ec' mach lajalic bajche' i ñuclel yambԼ ec'.

⁴² Che'Լch ja'el che' mi' cha' ch'ojoyelob jini chԼmeño' ԲԼ. Jini mu' ԲԼ i mujquel mi' yoc'mԼ. Jini mu' ԲԼ i cha' ch'ojoyel mach yujilic oc'mԼ. ⁴³ Ma'anic i ñuclel che'

mi' mujquel. An i ñuclél che' mi' cha' ch'ojyel. Ma'aníc i p'ʌtlalél che' mi' mujquel. An i p'ʌtlalél che' mi' cha' ch'ojyel. ⁴⁴ Ch'oyol ti lum lac bʌc'tal mu' bʌ i mujquel, ch'oyol ti Espírítu lac bʌc'tal mu' bʌ i tejchel ch'ojyel.

An lac bʌc'tal ch'oyol bʌ ti lum, an lac bʌc'tal ch'oyol bʌ ti Espírítu. ⁴⁵ Che'ʌch ts'ijbubil: “Jini ñaxan bʌ winic, i c'aba' Adán, tsa' aq'uenti i ch'ujlel. Pero Cristo an i yEspírítu cha'an mi' yʌq'ueñonla laj cuxtalél”. ⁴⁶ Ñaxan mi la cʌq'uentel lac bʌc'tal ch'oyol bʌ ti lum, wi'ilix lac bʌc'tal ch'oyol bʌ ti Espírítu. ⁴⁷ Jini ñaxan bʌ winic Adán melbil ti lum. Pero Cristo, i cha'ticlé bʌ winic, ch'oyol ti panchan. ⁴⁸ Jini año' bʌ i bʌc'tal ch'oyol bʌ ti lum lajalob bajche' Adán ch'oyol bʌ ti lum. Jini mu' bʌ i yʌq'uentelob i bʌc'tal ch'oyol bʌ ti panchan lajalob bajche' Cristo ch'oyol bʌ ti panchan. ⁴⁹ Wʌle lajalonla ti q'uelol bajche' Adán. Pero lajal mi caj la cajñel che' bajche' Cristo. ⁵⁰ Mic subeñetla, hermanojob, lac bʌc'tal yic'ot lac ch'ich'el yujil bʌ oc'mʌl mach ochic ti' yumʌntel Dios ba' ma'aníc chuqui yujil oc'mʌl.

⁵¹ La' wilan, mic subeñetla jini mach bʌ tsictiyemic ti yambʌ ora: Mach ti pejtelonícla mi caj lac chʌmel, pero ti pejtelonla mi caj lac yʌjñel. ⁵² Che' mi' wustʌl jini cojix bʌ trompeta, ti ora jach mi caj lac yʌjñel che' bajche' ora jach mi' mujts'el mi' cajñel lac wut. Come mi' caj ti wustʌl jini trompeta, mi caj i tejchelob ch'ojyel jini chʌmeño' bʌ. Ma'anix mi' chʌn chʌmelob. Joñonla ja'el mi caj lac yʌjñel. ⁵³ Come jini yujil bʌ oc'mʌl wersa mi caj i pʌntiyel ti jini mach bʌ yujilic oc'mʌl. Jini yujil bʌ chʌmel wersa mi caj i pʌntiyel ti jini mach bʌ yujilic chʌmel. ⁵⁴ Che' bʌ tsa'ix pʌntiyi jini yujil bʌ oc'mʌl ti jini mach bʌ yujilic oc'mʌl, che' bʌ tsa'ix pʌntiyi jini yujil bʌ chʌmel ti jini mach bʌ yujilic chʌmel, che' jini mi caj i ts'actiyel jini ts'ijbubil bʌ t'an mu' bʌ i yʌl: “Lac Yum mi caj i junyajlel

jislaben i p'atlalel chamel. ⁵⁵ ¿Bacan i c'uxel che' mi lac chamel? ¿Bacan mi' majlel i cha'an jini mucosibal?" che'en. ⁵⁶ Jini c'ux bal, jiflach mulil mu' bal i yac'onla ti chamel. Jini mulil mi' taj i p'atlalel cha'an jini mandar. ⁵⁷ Wocolix i yalla Dios mu' bal i yalq'ueñonla lac p'atlalel ti lac Yum Jesucristo cha'an mi' majlel lac cha'an.

⁵⁸ Jini cha'an, c'uxbibil bal quermanojob, chlan ajñenla ti xuc'ul. Mach yomic tile bixel la' pusic'al. Yom balxetla che' mi la' cha'liben i ye'tel lac Yum, come la' wujil mach lolomic jach la' we'tel ti lac Yum.

16

Ofrenda cha'an i colt antel i cha'año' bal Dios

¹ Cha'an ofrenda mu' bal la' tempañon cha'an i colt antel i cha'año' bal Dios, ac'ala jatetla che' bajche' tsac sube jini xñopt'añoob mu' bal i tempañon i bal ya' ti Galacia. ² Ti jini ñaxan bal q'uin ti jujump'ejl semana, ti jujuntiquiletla, parte yom mi la' wac' lamital la' taq'uin. Lotola bajche' c'amel mi mejlel la' wac' cha'an tempañobilix che' mij c'otel ba' añetla. ³ Che' c'otemon mi caj c choc majlel winicob año' bal i cha'an carta ba' mi' tsictiyel yajcabilob cha'an mi' ch'amob majlel jini ofrenda ti Jerusalén. ⁴ Mi yomach mic majlel ja'el, mi mejlel c pi'leñoob majlel ti Jerusalén.

Baqui tsi' ña'ta majlel jini Pablo

⁵ Ya' talon ba' añetla che' ñumeñonix ti Macedonia, come com ñumel ti Macedonia. ⁶ Tic'al ya' mic poj clytal ba' añetla cha'an mic ñusan i yorajlel tsañal ja'el, cha'an mi la' pi'leñon majlel ya' ba' mic majlel. ⁷ Come mach ñumelic jach com j q'ueletla. Com poj jalijel quic'otetla mi che' yom lac Yum. ⁸ Mi caj j clytal ti Efeso c'alal ti' yorajlel Pentecostés. ⁹ Come tsa' jambentiyon colem puerta ba' mi mejlel c wen cha'len e'tel anquese cablob j contra.

¹⁰ Mi tsa' c'oti Timoteo, q'uelela cha'an mi' yajñel ti uts'at ba' añetla, come mi' cha'len i ye'tel lac Yum lajal bajche'on. ¹¹ Jini cha'an mach mi la' ts'a'len mi juntiquileticla. Cha' pi'lenla sujtel ti' ñlch'tilel la' pusic'al cha'an mi mejlel i cha' tilel ba' añon, come wolic pijtan yic'ot yaño' bλ hermanojob. ¹² Jixcu la quermano Apolos, cabλ tsac sube ti wocol t'an cha'an mi' majlel yic'ot hermanojob ba' añetla. Maxto yomic majlel. Che' mi' tajben i q'uiñilel mi caj i majlel ba' añetla.

Cortesía tac

¹³ Yom γλχλ la' wo. Yom xuc'ul la' pusic'al mi la' ñop. Yom ch'ejletla. Yom p'λtλletla. ¹⁴ Ti pejtelel chuqui tac mi la' mel, melela yic'ot c'uxbiya. ¹⁵ La' wujil hermanojob, jini ñaxaño' bλ tsa' bλ i ñopoyob Dios ya' ti Acaya, jiñobλch Estéfanos yic'ot jini año' bλ ti' yotot, tsa'ix i γλc'λyob i bλ cha'an mi' coltaño' i cha'año' bλ Dios. ¹⁶ Mic subeñetla ti wocol t'an, jac'benla hermanojob mu' bλ i melob che' bajche' jini, yic'ot pejtelel mu' bλ i cha'leño' e'tel cha'an mi' coltaño' i cha'año' bλ Dios. ¹⁷ Tijicñayon cha'an tsa' tili Estéfanos yic'ot Fortunato yic'ot Acaico, come uts'at che' wλ' año' jini uxtiquil anquese mach wλ'ic añetla. ¹⁸ Come tsi' ñuq'uesλbeyoño' c pusic'al yic'ot la' pusic'al ja'el. Q'uelela ti ñuc winicob mu' bλ i melob che' bajche' jini.

¹⁹ Jini xñopt'año' mu' bλ i tempaño' i bλ ti Asia mi' γλq'ueñetla cortesía. Che' ja'el Aquila yic'ot Priscila yic'ot jini xñopt'año' mu' bλ i tempaño' i bλ ti' yotot, cabλ mi' γλq'ueñetla cortesía ti lac Yum. ²⁰ Ti pejtelel jini hermanojob mi' γλq'ueñetla cortesía. Che' mi la' wλq'uen la' bλ cortesía ts'ujts'un la' bλ ti c'uxbiya.

²¹ Joño' Pablojon mic ts'ijbubeñetla cortesía tij c'λb.

²² Jini mach bλ anic mi' c'uxbin lac Yum Jesucristo la' chojquic ti Dios. Tal lac Yum. ²³ La' ajñic i yutslal i pusic'al

lac Yum Jesús la' wic'ot. ²⁴ Mij c'uxbiñetla ti la' pejtelel ti
Cristo Jesús.

I T'an Dios

Bible without Deuterocanon in Chol Tumbala; ctu (MX:ctu:Chol)
copyright © 1977 Wycliffe Bible Translators, Inc.

Language: Chol

Translation by: Wycliffe Bible Translators, Inc.

Chol, Tumbalá [ctu], Mexico

Copyright Information

© 1977, Bible League International

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Chol

© 1977, Bible League International

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 28 Jul 2020 from source files dated 26 Jul 2020

45de077a-5b47-572a-bd9d-72438a3be945